



DL  
2455  
H682  
1672  
v9







文選

卷九

詞







梁昭明文選卷之九

明吳郡張鳳翼纂註

延陵吳芝校訂

賡

○答臨淄侯賡

書在後而答反在前者以從賡列故也後吳質答魏太子書放此例

楊修

修字德祖舉孝廉除郎中丞相府主簿總知外內事皆稱意自魏太子以下爭

與之交好是時臨淄侯曹植才捷愛幸數與修書修答賡

修死罪不待數日若彌年載豈由愛顧之隆使係仰

之情深耶

彌終也

損辱嘉命蔚矣其文

辱忝也嘉命植書也蔚盛也

誦讀反復雖諷雅頌不復過此

諷猶詠也詩有大雅小雅商頌魯頌

若

仲宣之擅漢表陳氏之跨冀域徐劉之顯青豫應生



之發魏國斯皆然矣

和宣表劉氏之元帝表冀域偉表孔璋窮身袁氏故云冀域偉

長淹留高密故云青公幹淪飄許京故云豫德璉時居汝穎汝穎食邑故云魏此疊植書至於修

者聽采風聲仰德不暇目周章於省覽何遑高視哉

周章馳逐也植書云足下高視於上京故有此答

伏惟君侯少長貴盛體發

旦之資有聖善之教

體同也發武王名旦周公名毛詩母氏聖善

遠近觀

者徒謂能宣昭懿德光贊大業而已不復謂能兼覽

傳記留思文章今乃舍王超陳度越數子矣

王王粲陳陳琳

觀者駭視而拭目聽者傾首而竦耳非夫體通性達

受之自然其孰能至於此乎又嘗親見執事握牘持



筆有所造作若成誦在心借書於手曾不斯須少留

思慮仲尼日月無得踰焉修之仰望殆如此矣

執事謂植

也尊敬之故不指斥而託左右執事也牘書版也斯須須臾也

是以對鶚而辭作暑

賦彌日而不獻見西施之容歸憎其貌者也

植曾作鶚鳥賦

命修作修辭不為又命作暑賦修雖造成終日不敢獻

伏想執事不知其然猥

受顧錫教使刊定

植書云後誰復相知定吾文耶是使修刊定也

春秋之成

莫能損益呂氏淮南字值千金然而弟子籍口市人

拱手者賢聖卓犖固所以殊絕凡庸也

孔子為春秋筆則筆削則

削子夏之徒不能贊一辭呂不韋作呂氏春秋漢之淮南王聘天下辨通以著篇章成皆布之都市懸置



千金以延示衆士而莫能有變易者今之賦頌古詩之流不更孔公風

雅無別耳植書云今往僕少小所著辭賦一通相與更定也修言今日之賦誦乃與古詩相類

但不經孔子刪定故難別其為風為雅耳修家子雲老不曉事强著一書

悔其少作法言曰或問吾子少好賦日然童子彫蟲篆刻俄而日壯夫不為是悔其少作也子

雲與修同姓故云修家著一書即法言也若此仲山周旦之疇為皆有誓

耶毛詩序曰七月周公遭變陳王業之艱難然詩無仲山甫作者而吉父美仲山甫之德未詳德祖何

以言之言如雄言則此二人皆有過也君侯忘聖賢之顯迹述鄙宗之

過言竊以為未之思也鄙宗過言謂壯夫不為也若乃不忌經國

之大美流千載之英聲銘功景鐘書名竹帛斯自雅



量素所蓄也豈與文章相妨害哉

魏顓追秦將於輔氏其勲銘於景鐘

景鐘景公鐘也書名竹帛為史書也雅量調植之度量素常也植書云吾雖薄德位為藩侯猶庶幾戮力

上國流惠下人建永世之業流金石之功豈可輒受

以翰墨為勲績辭賦為君子哉故修以此言答

所惠

竊備矇眊

詩曰矇眊奏工所惠謂賜文章也言已備誦詠

之人

敢望惠施以忝莊氏

植書云其言不慙恃惠子之知我也修言已豈敢望

而巳惠施以忝辱于莊周之相知

乎惠施莊周相知者故引之季緒璅璅何足以云

季緒

名修劉表之子為樂安太守植書云劉季緒好詆訶文草修故云

反答造次不能宣

備修死罪死罪



文選纂註

卷九

三

云隆季辭汝脂臨文章妙姑云

各妙隆表之子為樂突太守辭書

又答鼓大不指宣

斗惠融孫周時味香姑臣之

惠融以忝執干孫周之時味

季辭難樂何足以云

李

而人 姬望惠融以忝孫大

味好也妙言曰豈姬望

而惠融難樂

與 辭而曰

顯文章也言曰辭融痛

以傳墨為燠辭難融為吾子姑姑妙以批言答

神受

上因就惠下人戰永世之業融金下之也豈可

景素常也辭書云吾難難辭妙為蔽矣辭融難難

景素常也辭書云吾難難辭妙為蔽矣辭融難難

景素常也辭書云吾難難辭妙為蔽矣辭融難難

又其燠辭融景融



○與魏文帝牋

文帝集序云上西征余守譙繁欽從時薛訪車子能喉轉與笳同音

欽牋還與余盛歎之雖過其實而其文甚麗

繁欽

欽字休伯潁川人少以文辨知名以豫州從事稍遷至丞相主簿

正月八日壬寅領主簿欽死罪死罪近屢奉牋不足

自宣頃諸鼓吹廣求異妓時都尉薛訪車子年始十

四

鼓吹音樂也妓能也都尉官名薛訪姓名車子其御車者猶左傳叔孫氏之車子也能喉轉

引聲與笳同音白上呈見果如其言

上文也即日故共

觀試乃知天壤之所生誠有自然之妙物也潛氣內

轉哀音外激大不抗越細不幽散聲悲舊笳曲美常



均

均者律調五聲之均也均長八尺施絃

及與黃門鼓吹溫胡迭迭迭

和喉所發音無不響應曲折沉浮尋變入節

漢置黃門工倡

溫胡姓名也迭更也變曲位也

自初呈試中間二句胡欲傲其所不

知尚之以一曲巧竭意匱既已不能而此孺子遺聲

抑揚不可勝窮優游變化餘弄未盡

左傳韓宣子如楚叔何爲介王

欲傲叔何以其所不知而不能尚勝也不能言竟不能勝也

暨其清激悲吟雜以

怨慕詠北狄之遐征奏胡馬之長思悽入肝脾哀感

頑豔

北狄征胡馬思皆古歌曲

是時日在西隅涼風拂袵背山臨

溪流泉東逝同坐仰歎觀者俯聽莫不泣泣隕涕悲



懷慷慨

祖衣襟也。法流貌。隕墜也。慷慨歎息貌。

自左驥

顛

史妸

奴紺

審姐

名倡

魏文帝令杜夔與左驥等於賓客之中吹笙鼓琴史妸審姐蓋亦當時之樂人倡樂也

能

識以來耳目所見僉曰詭異未之聞也

詭奇也

竊惟聖

體兼愛好奇是以因賤先白委曲伏想御聞必含餘

懽冀事速訖旋侍光塵寓目階庭與聽斯調宴喜之

樂蓋亦無量

御進也。事謂西征也。訖竟也。與去聲。

欽死罪死罪



文選纂註

卷九



○答東阿王牋

東阿王曹植也

陳琳

琳字孔璋廣陵人避亂冀州袁紹辟之使典客事紹死曹操辟為軍謀祭酒典

記室

琳死罪死罪昨加恩辱命并示龜賦披覽粲然君侯

體高世之材秉青萍干將之器

青萍干將皆劍名

拂鍾無聲

應機立斷

言才如劍之利也

此乃天然異稟非鑽仰者所庶

幾也音義既遠清辭妙句焱

鹽念

絕煥炳

焱火華也

譬猶飛

兔流星超山越海龍驤所不敢追况於駑馬可得齊

足

飛兔流星神駿也馬八尺以上為龍可得言不可得也

夫聽白雪之音觀綠



水之節然後東野巴人蚩鄙益著

白雪綠水楚之上曲也比植東野巴

人楚之下曲琳自比

載懽載笑欲罷不能謹韞櫝玩耽以爲吟

頌琳死罪死罪



○答魏太子牋

吳質

質字季重濟陰人  
以才爲丕所善爲朝歌長官至振威將軍

二月八日庚寅臣質言奉讀手命追亡慮存恩哀之

隆形於文墨

手命謂太子與質書也其書云二  
三諸友零落畧盡故云追亡慮存

日月

冉冉歲不我與昔侍左右廁坐衆賢出有微行之游

入有管絃之歡置酒樂飲賦詩稱壽

廁列也衆賢謂  
陳徐之流微行

謂微服而行也土  
壽上酒稱壽也

自謂可終始相保並騁材力效節

明主何意數年之間死喪略盡臣獨何德以堪久長  
陳徐劉應才學所著誠如來命惜其不遂可爲痛切



凡此數子於雍容侍從實其人也若乃邊境有虞羣

下鼎沸軍書輻至羽檄交馳於彼諸賢非其任也

輻至

言衆如車輻之湊於轂也羽檄徵兵之書

往者孝武之世文章爲盛若東

方朔枚皋之徒不能持論卽阮陳之儔也

漢書東方朔枚皋不

根持論上頗俳優畜之阮陳阮瑀陳琳也儔類也

其唯嚴助壽王與聞政事

然皆不慎其身善謀於國卒以敗亡臣竊恥之

唯嚴助與

吾丘壽王見任用後淮南王朝賂遺助竟坐棄市壽王亦坐事誅

至於司馬長卿稱

疾避事以著書爲務則徐生庶幾焉

言徐幹比之相如頗復近之

而今各逝以爲異物矣後來君子實可畏也伏惟所



天優游典籍之場休息篇章之圃

所天謂太子也言以文章典籍為場

圃而優游休息其間也

發言抗論窮理盡微摘藻下筆鸞龍之

文奮矣

抗高也摘發也藻文也鸞龍有五色文章奮振也

雖年齊蕭王才實

百之

太子書曰吾德不及蕭王年與之齊矣故質以此答之百謂勝百倍也

此眾議所

以歸高遠近所以同聲也然年歲若墜今質已四十

二矣白髮生鬢所慮日深實不復若平生之時也但

欲保身勅行不蹈有過之地以為知己之累耳

勅正也

游宴之歡難可再遇盛年一過實不可追臣幸得下

愚之才值風雲之會

言已與太子幸得同此際會也

時邁齒載

徒猶結



欲觸胷奮首展其割裂之用也

觸胷奮首割裂謂冒鋒刃甘死而効其用

以報德也不勝悽悽

悽悽敬謹也

以來命備悉故略陳至情質

死罪死罪



○在元城與魏太子牋

質遷元城令之官過鄴辭太子到縣與牋

### 吳質

臣質言前蒙延納侍宴終日

連叙昔遊之盛曜靈匿景繼以華燈

曜靈

日也匿藏也言夜以繼日也

雖虞卿適趙平原入秦受贈千金浮

觴旬日無以過也

虞卿說趙孝成王一見賜金百鎰再見為上卿秦昭王為書遺平原

君曰寡人聞君之高義願與君為十日之飲之交君幸過寡人願與君為十日之飲

小器易盈先

取沈頓醒寤之後不識所言

沈頓酒困也不記醉時所言恐有虧失

即

以五日到官初至承前未知深淺

前謂前人之政然觀地形

察土俗西帶恒山連岡平代

恒山在西代郡有平邑及代二縣

北鄰



柏人乃高帝之所忌也

漢書上東還過趙欲宿心動問縣名何曰柏人上曰柏人

者迫於人也去弗宿故云所忌

重以泚水漸漬疆宇喟然歎息思淮

陰之奇譎亮成安之失策

奇譎背水陣也失策謂不用李左車之言也

南

望邯鄲想廉藺之風

廉頗藺相如也

東接鉅鹿存李齊之流

漢書文帝問馮唐曰吾居代時吾尚食監高祛數爲我言趙將李齊之賢戰於鉅鹿下吾每飲食未嘗不左鉅鹿也都人士女服習禮教皆懷慷慨之節包左

車之計而質闇弱無以蒞之

蒞臨也

若乃邁德種恩樹

之風聲觸筆風雅使農夫逸豫於疆畔女工吟咏於機杼固非

質之能也至於奉遵科教班揚明令下無威福之吏



邑無豪俠之傑

科條也

賦事行刑資於故實抑亦懔懔

有庶幾之心

國語樊穆仲曰魯侯賦事行刑必問於遺訓而資於故實懔懔危懼貌

往

者嚴助釋承明之歡受會稽之位壽王去侍從之娛

統東郡之任其後皆克復舊職追尋前軌今獨不然

不亦異乎

嚴助為中大夫上問所欲對曰願為會稽太守數年賜書曰制詔會稽太守君厭承

明之廬出為郡吏久不聞問助恐上書謝願奉三年計最詔許因留侍中吾丘壽王善格五召待詔拜侍

中後為東郡尉復徵入為光祿大夫侍中軌迹也今不然者質自言未得重入侍與彼異也

張敞

在外自謂無奇陳咸憤積思入京城

張敞為膠東相與朱邑書曰值

敞遠守劇郡馭於繩墨胃臆糾結固無奇矣陳咸為南陽太守數賂遺陳湯與書曰即蒙子公力得入帝



城死不畏後  
竟人爲少府

彼豈虛談夸論誑曜世俗哉斯實薄郡

守之榮願左右之勤也古今一揆先後不貲焉知來

者之不如今

貿易也謂已情亦與張敞陳咸相類也

聊以當觀不敢多

云質死罪死罪



○為鄭冲勸晉王賡

冲字文和榮陽人也位至大傅魏封司馬昭為晉王備禮

九錫昭固讓不受公卿將校皆詣府勸進籍為其辭

阮籍

冲等死罪伏見嘉命顯至

嘉命即魏冊命

竊聞明公固讓冲

等眷眷實有愚心以為聖王作制百代同風褒德賞

功有自來矣昔伊尹有莘氏之勝

由諡

臣耳一佐成湯

遂荷阿衡之號

詩曰實維阿衡實左右商

周公籍已成之勢據既

安之業光宅曲阜奄有龜蒙

尚書曰魯侯伯禽宅曲阜詩曰奄有龜蒙遂荒

大東龜山蒙山也

呂尚磻溪之漁者一朝指麾乃封營丘

尚呂



鈞於磻溪故云漁者文王用以爲師武王伐殷用其計左杖黃鉞右秉白旄以誓故云指麾武王已平商封尚父於齊營丘自是以來功薄而賞厚者不可勝數然賢

哲之士猶以爲美談况自先相國以來世有明德

相謂

司馬懿爲魏丞相也世有言不絕也

翼輔魏室以綏天下朝無闕政人

無謗言前者明公西征靈州北臨沙漠榆中以西望

風霞服羗戎東馳回首內向

沙漠榆中皆邊地名震驚也東馳內向皆來朝

服也東誅叛逆全軍獨尅禽闔閭之將斬輕銳之卒以

萬萬計威加南海名懾三越

諸葛誕反閉城自守遣小子覲至吳請救吳遣

唐咨王祚來應誕及斬誕唐咨王祚皆降吳兵萬眾器仗軍實山積闔閭吳王也以此孫權慚服也三越



謂越及南越閩越也

宇內康寧苛慝不作

苛慝繁惡之政也

是以殊俗

畏威東夷獻舞

殊俗遠方東夷東方之夷也獻舞獻樂舞

故聖上覽乃昔

以來禮典舊章開國光宅顯茲太原

謂封為晉王

明公安

承聖旨受茲介福允當天人

旨意也謂魏帝之意也介大也允信也天人謂

天意人事也

元功盛勲光光如彼國土嘉祚巍巍如此

元大

也光光明貌如彼謂彼靈州之類國土嘉祚如此謂晉原之地

內外協同靡訾靡違

訾失也言人無異辭也

由斯征伐則可朝服濟江掃除吳會

朝服

言不假兵革也

西塞江源望祀岷山

岷山江所在也西塞言滅蜀也望祀謂祭此山

也

廻戈弭節以麾天下遠無不服邇無不肅大魏之



德光于唐虞明公盛勲超于桓文然後臨滄洲而謝

支伯登箕山以揖許由豈不盛乎

言公室受封爵後立功如此然後退

身豈不盛哉揖謝皆讓也

至公至平誰與爲鄰何必勤勤小讓也

哉沖等不通大體敢以陳聞

嗣宗雖爲勉進賤末乃勗以支伯許由諄以小

讓可謂頌功而不失其正與他勸進文不同



○拜中軍記室辭隋王牋

眺為隋王子隆府文學世祖勅眺可還都遷新

安王中軍記室牋辭子隆

謝眺

故吏文學謝眺死罪死罪即日被尚書召以眺補中

軍新安王記室叅軍眺聞潢汙之水願朝宗而每竭

駕蹇之乘希沃若而中疲

潢汙雨水也沃若良馬行貌喻已願終事王而莫能

遂也何則皋壤搖落對之惆悵岐路西東或以鳴嗵

鳥合

反莊子仲尼謂顏回曰由林與皋壤使我欣欣而樂樂未畢也哀又繼之淮南子曰楊子見岐路而哭之為其可以南可以北皋壤搖落謂秋也况乃服義徒岐路東西謂別也惆悵嗚咽皆悲傷也



擁歸志莫從

服義忠於所事也擁抱也

邈若墜雨翩似秋蒂

音帝墜雨

離雲秋蒂辭條喻已別王也

眺實庸流行能無筭

言不足數

屬天地休

明山川受納

言遇休明之代容受我不肖之人同於山川之納藏也

褒采一介

抽揚小善故捨耒場圃奉筆兔園

捨耒罷耕也場圃田園也奉筆兔園

從事於王也梁孝王有兔園引以為喻

東亂三江西浮七澤

言從子隆也王為東

中郎將會稽太守後遷西將軍荊州刺史三江越

契

澗戎旃從容讌語

戎兵也旃旌也

長裾日曳後乘載脂

裾衣裾也

日曳調朝夕游王門也魏文帝書云文學託乘於後車詩曰載脂載轄

榮立府庭恩加

顏色沐髮晞陽未測涯涘

言沐王之德深故不測涯際也晞乾也

撫臆



論報早誓肌骨

言撫胸論報恩將銘鏤肌骨而不忘也

不寤滄溟未運

波臣自蕩

寤覺也滄溟海也莊子云鯤化為鵬海運將徙於南溟滄溟未運王未遷轉也波臣

涸轍鮒魚之稱自喻也蕩流也

渤澥方春旅翮先謝

渤澥海名喻王也旅翮先謝自

喻去王也

清切藩房寂寥舊華

藩房王府舊華眺舍也

輕舟反溯弔

影獨留

言舟反而已留也

白雲在天龍門不見去德滋永思

德滋深

穆天子傳西王母為天子謠曰白雲在天山陵自出道路悠遠山川間之楚辭顧龍門而

不見

唯待清江可望候歸艤於春渚

冀王入朝而已候於江渚也艤舟名

朱邸方開效蓬心於秋實

諸侯朝天子於天子之所立舍曰邸諸侯朱戶故曰

朱邸莊子謂惠子曰夫子拙於用大則夫子猶蓬之心也夫秋實言實用也用採庶子之春華忘家臣之



秋實事

如其簪履或存衽席無改

言王如或能存故情於我也少原之野有

婦人刈蓍薪而失簪哭甚哀言不忌舊也楚昭王忌其踦履已行三十步而還之左右曰何惜此王曰吾悲與之俱出不俱反自是楚國無相棄者晉文公至河令席蓐捐之舅犯哭曰席蓐所卧也而君棄之臣不勝哀

雖復身填溝壑猶望妻子知歸攬涕告辭悲來

橫集

東觀漢記張堪謂朱暉曰願以妻子託朱生橫交也

不任犬馬之誠



○到大司馬記室牋

齊宣德皇后令以蕭衍為大司馬錄尚書事以昉為司馬

下記室昉到官而謝之

任昉

記室叅軍事任昉死罪死罪伏承以今月令辰肅膺

典冊

令善也膺當也

德顯功高光副四海含生之倫庶身有

地

含生有生之類庶託也

况昉受教君子將二十年

君子謂衍

咳唾

為恩眄睐成飾

眄視也恩飾謂光於已也

小人懷惠顧知死所

左傳

狼暉曰吾未獲死所言懷恩惠自當以死報德也

昔承嘉宴屬有緒言提挈

之旨形乎善謔豈謂多幸斯言不渝

梁史曰始高祖遇昉於竟陵王



西邸從容謂昉曰我登王府當以卿為記室至是符昔言也漢書廝養卒日左提右挈詩日善戲謔兮淪

變也雖情謬先覺而迹淪驕餌言不能先知蕭衍當興而仕齊乃淪沒於驕君

之餌湯沐具而非弔大厦構而相賀淮南子曰湯沐具而蟣虱相弔大厦

成而燕雀相賀言衍殺東昏侯時昉免死也明公道寇二儀勲超遂古明公

謂衍也將使伊周奉轡桓文扶轂奉轡扶轂言下之也神功無紀

作物何稱言既無功而可紀亦何名而可稱莊子曰神人無功聖人無名府朝初建

俊賢翹首府謂司馬府也翹舉也維此魚目唐突璵璠扶元反魚目似

珠自喻也璵璠美玉也喻衍唐突猶抵也顧已循涯寔知塵忝千載一逢

再造難答涯分也寔是也塵汚也忝辱也雖則隕越且知非報毛詩日匪



報也承以爲好也言雖致命  
非所能報也墮降也越墜也  
不勝荷戴屏營之至謹  
詣廳奉白牋謝聞昉死罪死罪



非復其類也其學也步趨也  
時也承以爲教也言雖短命  
不細荷其報嘗之至也



○百辟勸進今上牋

今上謂蕭衍也齊帝寶融詔授衍梁公加公九錫衍辭於

是左長史王瑩等勸進衍猶謙讓未許瑩等又牋並任昉之辭也

任昉

近以朝命蘊策曷奏丹誠

朝命天子之命也蘊崇也謂尊崇而加策命也奉進

也冊誠赤心也謂傳齊命

奉被還命未蒙虛受

虛受用易咸辭

摺紳顙顙

愚恭深所未達

摺紳謂百官也顙顙敬仰貌未達言不知衍意也

蓋聞受金於

府通人之弘致

呂氏春秋曰魯國之法魯人爲人臣妾於諸侯有能贖之者取其金於府

子貢贖魯人於諸侯來而辭不敢取其金孔

高蹈海

隅匹夫之小節

舜以天下讓石戶之農夫石戶之農夫負妻携子入於海終身不反是



以履乘石而周公不以爲疑增玉璜而太公不以爲

讓

昔者武王崩成王幼周公旦踐東宮履乘石假爲天子七年乘石王所登上車之石也王至磻溪之

水呂尚釣于崖王下拜曰切望公七年乃今見光景

於斯尚立變名答曰望釣得玉璜刻曰姬受命呂佐

旌德合昌來提撰爾維鈴報在齊

况世哲繼軌先德

及佐周克殷遂封於齊而不讓

在民

言况衍之家代有聖哲遺德在人

經綸草昧歎

深微管

綸理也言經理草創在冥昧之時比孔

加以

朱方之役荆河是依

蕭懿爲豫州刺史鎮歷陽護軍將軍崔慧景反破左興于鍾山

官城拒守豫州聞難投袂而起戰於越城

班師振旅

大造王室

兵入曰振旅言整衆也

雖累繭救宋重祇



竹  
尼存楚以今觀古魯何足云而惑甚盜鐘功疑不賞

戰國策曰公輸般爲楚設機械將以攻宋墨子聞之  
百舍重繭往見公輸般輸般服焉請見之土王曰善  
哉請無攻宋重繭累胝也淮南子曰申包胥累繭重  
胝七日七夜至今于秦庭以見秦王使下臣告急秦  
王乃發軍擊吳果大敗之以存楚國以懿觀之墨翟  
包胥不足云也呂氏春秋有偷鐘者將椎毀之恐人  
聞之自掩其耳喻東昏侯欲自掩過也功高天下者  
不賞喻懿有不賞之功東昏侯歸政閹豎而鳩殺懿  
也

皇天后土不勝其酷是以玉馬駿奔表微子之去

金版出地告龍逢之怨

酷痛也紂惑妲己玉馬走宋謂微子開宋也玉馬喻賢人

也以東昏無道賢人歸衍也桀殺龍逢于庚子之日  
有金版出于庭中地曰臣族虐王禽龍逢與夏同姓  
故稱族王禽言桀必見禽也謂  
東昏殺懿懿與齊同姓亦如此  
明公據鞍輟哭厲三



軍之志獨居掩涕激義士之心

孫策為許貢客所殺張昭勸權輟哭光武

兄伯升為更始所害光武獨居不御酒肉卧枕席有涕泣處言衍如二主而三軍義士為之激厲也輟止

也故能使海若登祇罄圖效祉

海若海神也霸王之君與則見祇神也罄

盡也效祉致福也

山戎孤竹束馬景從

漢書郊祀志曰齊桓公北伐山戎過孤竹

束馬懸車上辟耳之山景從如日景之從人也

伐罪弔民一匡靖亂匪叨天

功實勤濡足

左氏傳介子推曰竊人之財猶謂之盜况貪天之公以為己力濡足喻救世也

言衍非貪天功實得之于救人也

且明公本自諸生取樂名教道風

素論坐鎮雅俗不習孫吳邁茲神武驅盡誅之氓濟

必封之俗

紂民皆可誅周民可比屋而封

龜玉不毀誰之功歟獨為



君子將使伊周何地

還伯耻獨爲君子何地謂何地自處

某等不達通

變實有愚誠不任慙

口貢

款悉心重謁伏願時膺典冊

式副民望



子遊金言

卷九

一



奏記

○奏記詣蔣公

太尉蔣濟聞籍有才偶而辟之籍詣都亭奏記初濟恐籍不至得記

欣然遣吏卒迎之而籍已去濟大怒於是鄉親共喻籍乃就吏後謝病歸

阮籍

籍死罪死罪伏惟明公以含一之德據上台之位

書云

咸有一德含咸也三台星三公位也濟為太尉即三公言上台重之也

羣英翹首俊賢

抗足開府之日人人自以為掾屬辟書始下下走為

首

辟猶召也走僕也

子夏處西河之上而文侯擁篲鄒子居

黍谷之陰而昭王陪乘

鄒衍在燕有谷寒不生五穀吹律而溫生黍陪乘參乘也

夫布衣窮居韋帶之士王公大人所以屈體而下之



者爲道存也

布衣韋帶皆賤服韋皮也

籍無鄒卜之德而有其陋

猥煩大禮何以當之

鄒鄒衍卜卜商承上文而言也猥煩也大禮謂辟命

方將

耕於東臯之陽輸黍稷之稅以避當塗者之路

東臯籍所

居也澤畔曰臯當塗謂貴人也

負薪疲病足力不疆補吏之日非所

克堪乞廻謬恩以光清舉

謬恩言施恩之謬也



書

○答蘇武書

天漢二年陵率步卒五千人出塞與單于戰力屈乃降匈奴中與蘇武相

見武得歸為書與陵令歸漢陵作此書答之

李陵

陵字少卿

先勞子卿

子卿足下勤宣令德策名清時榮問休暢幸甚幸甚

令善也策立也

遠託異國昔人所悲

昔人即雍門周所謂遠赴絕國

無相見期但聞飛鳥之號秋風蕭條則心傷也

望風懷想能不依依

望風謂遠望也

依依愁思也

昔者不遺遠辱還答

遺忘也陵前與蘇武書武有還答

慰誨

勤勤有踰骨肉

慰誨謂慰勞教誨也

陵雖不敏能不愧然自從

初降

初降以至今日身之窮困獨坐愁苦終日無覩但見

異類韋韞

古

毳幕以禦風雨

韋韞即皮條用以縛帳幕令可張施也

毳幕羶

帳也

羶肉酪漿以充饑渴舉目言笑誰與為歡胡地玄

冰邊土慘裂

冰厚故色玄土地也慘裂寒甚也

但聞悲風蕭條之聲

涼秋九月塞外草衰夜不能寐側耳遠聽胡笳互動

牧馬悲鳴吟嘯成群邊聲四起晨坐聽之不覺淚下

嗟乎子卿陵獨何心能不悲哉與子別後益復無聊

上年老母臨年被戮妻子無辜並為鯨鯢

左傳楚子曰古者明

王伐不敬取其鯨鯢而封之以為大

身負國恩為世

所悲子歸受榮我留受辱命也如何身出禮義之鄉



而入無知之俗。違棄君親之恩。長為蠻夷之域。傷已。

令先君之嗣更成夷狄之族。又自悲矣。先君謂其父當戶也功

大罪小。不蒙明察。自明不自引次之故功謂戰功罪謂降虜。孤負陵心。區區之意。每

一念至。忽然忘生。陵不難刺心。以自明。勿頸以見志。

顧國家於我已矣。已矣絕望之辭殺身無益。適足增羞。故每

攘臂忍辱。輒復苟活。攘奮也左右之人見陵如此。以為

不入耳之歡。來相勸勉。異方之樂。祇令人悲。增忉忉。

耳。為作也忉憂也忉痛也嗟乎。子卿人之相知。貴相知心。前書

倉卒未盡所懷。故復畧而言之。昔先帝授陵步卒五

千出征絕域

作書是漢昭帝時故謂武帝為先帝

五將失道陵獨遇戰

而裹萬里之糧勢繼橫木帥徒步之師出大漠之外入彊胡之

域以五千之眾對十萬之軍策疲乏之兵當新羈之

馬

天漢二年將軍李廣利出酒泉公孫敖出西河騎都尉李陵將步卒五千出居延無五將想武紀畧

之也羈馬絡頭也

然猶斬將叙功擐音旗

追奔逐北

振取曰擐師敗曰北

滅

跡掃塵斬其梟帥

驍勇也若六博之梟

使三軍之士視死如歸

陵也不才希當大任意謂此時功難堪矣

堪勝也言此時功大

匈奴既敗舉國興師更練精兵彊踰十萬單于自叙敗臨陣

親自合圍客主之形既不相如步馬之勢又甚懸絕



入匈奴之境則匈奴為主陵為客客且不如主矣陵步卒匈奴馬騎步勢又相懸絕也疲兵再

戰一以當千然猶扶乘創初痛決命爭首死傷積野

餘不滿百而皆扶病不任干戈戰也然陵振臂一呼

創病皆起舉刃指虜胡馬奔走兵盡矢窮人無尺鐵

猶復徒首奮呼爭為先登徒空也當此時也天地為陵

震怒戰士為陵飲血血即淚也飲謂飲泣也單于謂陵不可復

得便欲引還而賊臣教之遂便復戰故陵不免耳臣賊

謂管敢也軍候管敢被校尉笮之乃入匈奴于時

匈奴與陵戰至塞恐漢有伏兵欲引還敢曰漢無伏

漢軍敗弓矢並盡陵於是遂降  
昔高皇帝以三十

萬眾困於平城當此之時引高皇帝是引猛將如雲謀臣如雨然猶

七日不食僅乃得免高祖自將擊韓王信遂至平城為匈奴所圍七日不得食用陳

平秘計方得免況當陵者豈易為力哉而執事者云云謂漢

事之人也云云即罪陵之深也苟怨陵以不死據慨悲歌也聞度微之聲然陵不死罪也子卿

視陵豈偷生之士而惜死之人哉寧有背君親捐妻

子而反為利者乎然陵不死有為也故欲如前書之

言報恩於國主耳李陵前與蘇子卿書云陵所以然者戴其驅醜虜翻然南馳故且屈

以求伸若將不死功成事立則將上報厚恩下顯祿考誠以虛死強詞不如立節滅

名不如報德也昔范蠡不殉會稽之恥曹沫不死三



弄之辱卒復勾踐之讎報魯國之差區區之心竊慕

此耳

史記吳擊越敗之越王乃以餘兵五千棲於會稽撫循其士民吳王北會諸侯於潢池范蠡曰

可矣乃發兵伐吳吳師敗吳王遂自殺曹沫者魯人以勇力事莊公為將與齊戰三戰三北莊公復以為

將齊桓公許與魯會于柯既盟於壇上曹沫執匕首劫齊桓公桓公乃盡還魯侵地何圖志未

立而怨已

為公桓公乃盡還魯侵地

成計未從

而骨肉受刑

公孫敖捕得生口

言陵教單于為兵

以備漢於是族陵家母弟妻子皆伏誅

此所以仰天椎心而泣血也

足下又云漢與功臣不薄子為漢臣安得不云爾乎

昔蕭樊囚繫韓彭蒯臨

蕭何樊噲韓

信彭越也

黽錯受戮周魏

見辜

周周勃也魏魏其侯竇嬰也

其餘佐命立功之士賈誼亞夫

之徒皆信命世之才抱將相之具而受小人之讒並

受禍敗之辱卒使懷才受謗能不得展彼二子之遐

舉

二子謂范蠡曹沫也

誰不為之痛心哉陵先將軍功畧蓋天

地義勇冠三軍徒失貴臣之意劉身絕域之表

先將軍謂

李廣也貴臣謂衛青也元狩四年大將軍青擊匈奴

廣為前將軍出塞捕虜知單于所居處乃自部精兵

而令廣出東道東道迴遠廣願居前不聽廣出失道

大將軍因問狀廣謂其麾下曰結髮與匈奴大小十

餘戰今幸從大將軍出接單于兵而大將軍令廣部

行迴遠又迷失道豈非天哉且廣年六十餘終不復

對刀筆之吏

此功臣義士所以負戟而長歎者也何

遂引刀自剄

諸漢字第三層

謂不薄哉且足下昔以單車之使適萬乘之虜遭時



不遇至於伏劍不顧流離辛苦幾死朔北之野蘇武奉使

入匈奴單車謂衆少也萬乘謂兵甲多也幾近也

丁年奉使皓首而歸

丁年謂莊

年也老母終堂生妻去帷

漢書陵謂武曰陵來時太夫人已不幸陵送至陽陵子卿

婦年少聞已更嫁

此天下所希聞

古今所未有也蠻貊之人

尚猶嘉子之節况爲天下之主乎陵謂足下當享茅

土之薦受千乘之賞

茅土千乘皆謂封侯之事也

聞子之歸賜不

過二百萬位不過典屬國無尺土之封加子之勤而

妨功害能之臣

真使小損恨

盡爲萬戶侯

親戚貪倂之類悉爲廊

廟宰子尚如此陵復何望哉且漢厚誅陵以不死厚薄

賞子以守節欲使遠聽之臣望風馳命此實難矣所

以每顧而不悔者也陵雖孤恩漢亦負德昔人有言

雖忠不烈視死如歸陵誠能安而主豈復能眷眷乎

男兒生以不成名死則塋蠻夷中誰復能屈身稽顙

還向北關使刀筆之吏弄其文墨耶願足下勿復望

陵嗟乎子卿夫復何言相去萬里人絕路殊生為別

世之人死為異域之鬼長與足下生死辭矣幸謝故

人故人為霍光勉事聖君足下胤子無恙勿以為念

上官桀輩

漢書武在匈奴時努力自愛時因北風復惠德音北風

胡婦生子名通國



謂南風  
向北

李陵頓首

文選集註

卷九

三

臨南風



○報任少卿書

遷既被刑為中書令尊寵任職故人益州刺史任安與書責以進賢

之義遷報之以此書

司馬遷

遷字子長初為太史令

太史公牛馬走

太史公遷父談也走猶僕也言已為太史公掌牛馬之僕謙辭也

司

馬遷再拜言少卿足下

少卿任安字

曩者辱賜書教以順

於接物推賢進士為務

義昔也

意氣懃懃懇懇

懃懇忠款之貌

若望僕不相師而用流俗人之言僕非敢如此也

望責

望也 不相師不從善也用流俗人之言徇時論也

僕雖罷駑亦嘗側聞長者

之遺風矣顧自以為身殘處穢

穢謂刑穢詞惡名也

動而見

尤

言舉動必為人所尤

欲益反損是以獨鬱悒而誰與語諺曰

誰為

去聲

為之孰令聽之

誰為猶為誰也言已假欲為善當為誰為之乎復欲誰聽

乎

蓋鍾子期死伯牙終身不復鼓琴何則士為知己

者用女為悅已者容若僕大質已虧缺矣雖才懷隨

和

屈折之致漸引入情

行若由夷終不可以為榮適足以見笑而自點耳

隨隨侯珠也和和氏璧也由許由也夷伯夷也點辱也

書辭空答會東從

才上

來又迫賤事

安前與遷書空答但有一事故不獲答從上來從駕幸也賤事家之私事也

相

見日淺卒卒

七

無須臾之間得竭志意

卒卒促遽也間隙也

今

少卿

叙分答書之微抱不測之罪涉旬月迫季冬

安為侯太子事囚於獄不測謂生死



不可知近季冬將刑也僕又薄從上雍恐卒然不可為諱雍紂共反

薄迫也上天子也言又迫從天子將祠祭於雍卒然言速也不可為諱謂死也是僕終已不

得舒憤懣門本以曉左右懣悶也恐安死未答書是我終身不得申憤懣也左右猶

足則長逝者冤鬼私恨無窮長逝者死也言不答書而少卿死則私心之恨

無窮也請畧陳固陋關然久不報幸勿為過僕聞之修

身者智之符也符信也愛施者仁之端也取與者義之

表也取謂受惠與調行德恥辱者勇之決也勇士當於此而果決之立名

者行之極也士有此五者然後可以託於世而列於

君子之林矣故禍莫僭慘於欲利悲莫痛於傷心行

莫醜於辱先對上五句出辱字詬莫大於宮刑詬恥也謂遷被刑也刑餘之人無

所比數非一世也承上起下所從來遠矣昔衛靈公與雍渠同

載孔子適陳家語孔子居衛靈公與夫人同車令宦者雍渠參乘孔子為次乘遊過市孔子

去衛之陳商鞅因景監見秦趙良寒心趙良曰君之見秦王也因嬖人景監

以為主非所以為名也寒心懼其禍之必至也同子參乘袁絲變色自古而

恥之同子趙談也與遷父同諱故曰同子漢書上朝東宮趙談參乘袁絲伏車前曰臣聞天子所與

共六尺輿者皆天下豪英今漢雖乏人陛下獨奈夫何與刀鋸餘同載於是上笑下趙談絲益之字也

中才之人姊轉激揚語多悲感事有關於宦豎莫不傷氣而况於慷慨之

士乎中才謂常才也如今朝廷雖乏人奈何令刀鋸之餘薦



天下之豪俊哉僕賴先人緒業也緒餘也得待罪輦轂下

二十餘年矣所以自惟也惟思也上之不能納忠效信有

奇策才力之譽自結明主次之又不能拾遺補闕招

賢進能顯巖穴之士外之不能備行伍攻城野戰有

斬將擧旗之功下之不能積日累勞取尊官厚祿以

為宗族交游光寵四者無一遂苟合取容無所短長

之效可見如此矣嚮者僕亦常廁下大夫之列陪奉

外廷末議太史令千石故云下大夫外廷調朝堂也不以此時引綱維盡

思慮如胸中鬱勢盡情傾露今已虧形為掃除之隸在闕榻茸冗之中關茸猥賤

也細毛乃欲仰首伸眉論列是非不亦輕朝廷羞當

代之士耶嗟乎嗟乎如僕尚何言哉尚何言哉且事

本末未易明也自明被罪之由本末調終始也僕少負不羈之行長無鄉曲

之譽不羈言不主上幸以先人之故使得奏薄伎出

入周衛之中先傷心在周衛言宿衛周密也僕以為戴盆何以望天故絕

賓客之知言亡室家之業日夜思竭其不肖之才力欲

盡不才之力以務一心營職以求親媚於主上而事

乃有大謬不然者夫僕與李陵俱居門下謂同為素

非能相善也趨舍異路趨所向也舍所廢也未嘗銜杯酒接殷



勤之餘歡然僕觀其為人自守奇士事親孝與士信

臨財廉取與義分別有讓恭儉下人常思奮不顧身

以徇國家之急其素所蓄積也僕以為有國士之風

夫人臣出萬死不顧一生之計赴公家之難斯已奇

矣今舉事一不當而全軀保妻子之臣隨而媒孽其

短媒孽謂指其罪也僕誠私心痛之且李陵提步卒不滿五

千深踐戎馬之地足歷王庭垂餌虎口王庭匈奴庭也垂餌猶送

食也橫挑疆胡仰億萬之師挑挑敵求戰也與單于連戰十有

餘日所殺過當陵軍人少殺匈奴倍多故曰過當虜救死扶傷不給

羶裘之君長咸震怖乃悉徵其左右賢王舉引弓之

人

左右賢王並匈奴侯王之號也

一國共攻而圍之轉鬪千里矢盡

道窮救兵不至士卒死傷如積然陵一呼勞軍士無

不起

描寫

躬自流涕洟血飲泣更張空拳

拳者謬矣且拳

則屈指不當言張陵時矢盡故張弩之空弓非手拳也

昂白刃北嚮爭死敵者

爭死敵者謂爭勇死於敵也

陵未沒時使有來報漢公卿王侯皆

奉觴上壽

陵至浚稽山使麾下騎陳步樂還以聞步樂召見道陵將得士死力上甚悅之言有

使報漢謂漢赴捷也羣臣喜陵之功奉觴上壽謂上天子酒也

後數日陵敗書聞主

上為之食不甘味聽朝不怡

怡悅

大臣憂懼不知所



出僕竊不自料其卑賤見主上慘愴怛悼誠欲效其

款款之愚括前意是意中語以為李陵素與士大夫絕甘分少

能得人死力雖古之名將不能過也味之甘者絕而不食食之少者

必與眾分而共之故得人死力也身雖陷敗彼觀其意且欲得其當

而報於漢彼觀猶觀彼也得其當謂得其機會也事已無可奈何其所

摧敗功亦足以暴僕於天下矣僕懷欲陳之而未有

路適會召問即以此指推言陵之功欲以廣主上之

意塞睚魚解眦之辭廣猶開也未能盡明明主未曉

以為僕沮才貳師而為李陵游說枕遂下於理初上遣貳



文選纂註

卷九

三十一

師李廣利出令陵為助及陵與單于相值而貳師少功上以遷誣罔欲沮貳師而為陵游說下遷腐刑理治獄官也拳拳之忠終不能自列拳拳奉持之貌列分解也因為誣上

卒從吏議

言衆吏議以為誣上天子終從其議

家貧貨賂不足以自贖

法可以金贖罪而遷家貧無金

交游莫救視左右親近不為一言身

非木石獨與法吏為伍深幽圜之中誰可告愬者

此真少卿所親見僕行事豈不然乎李陵既生降顏

其家聲而僕又侁之蠶室陵家世為將有名今以降虜而顏之顏墜也侁次也

若人相次也蠶室漢行割刑之室使重為天下觀笑

其避風養創言我及次之於此刑也重為天下觀笑

悲夫悲夫事未易一二為俗人言也僕之先非有剖



符丹書之功

先先世也剖符契有功者執之

文史星曆近乎卜祝之

間固主上所戲弄倡優所畜流俗之所輕也

遷父為太史掌

知天文律歷卜筮祠祝之事為天子所戲弄以倡優畜之者故為俗之所輕

假令僕伏法

受誅若九牛亡一毛與螻蟻何以異而世俗又不能

與死節者次比

九牛亡失一毛言不足為輕重也此次猶云此疑也

特以為智

窮罪極不能自免卒就死耳何也素所自樹立使然

也人固有一死死或重於太山或輕於鴻毛用之所

趣異也太上不辱先其次不辱身其次不辱理色

連用不辱字化中重筆法一書扼要處

理也色其次不辱辭令

辭謂言辭令謂教令

其次屈體受辱

屈體

謂被縲繫

其次易服受辱

易服謂罪人著赭衣也

其次關木索被箠

楚受辱

關木祖械索繩也箠杖也楚荆也

其次剔毛髮嬰金鐵受辱

謂髡鉗

其次毀肌膚斷支體受辱

刑足之類

最下腐刑極矣

官刑腐臬故曰腐刑

傳曰刑不上大夫此言士節不可不勉勵

也猛虎在深山百獸震恐及在檻穽之中搖尾而求

食積威約之漸也

檻圈也穽穿地為坑以取猛獸也遷自喻志節之士為刑所加威力

折故有畫地為牢勢不可入削木為吏議不可對定

計於鮮

平聲

也牢獄也勢不可入者謂形勢不可入也吏獄官也鮮明也言人當自決於未萌

以免獄吏也

今交手足受木索暴肌膚受榜箠幽於圜牆



之中榜擊也園牆獄也周禮以圓土教罷民當此之時見獄吏則頭搶

地視徒隸則正惕息徒衆也隸奴也正惕息正容驚惕喘息也何者積威

約之勢也及以至是言不辱者據上言此時不辱所謂強顏耳曷足貴

乎史亦無且西伯伯也拘於羑里李斯相也具於五刑淮陰

王也受械於陳彭越張敖南面稱孤繫獄抵罪彭越梁王

也高祖將誅陳豨徵兵於梁越稱病上捕之囚於洛陽張敖嗣父耳為王人告其反捕擊之南面稱孤者

皆為諸侯也絳侯誅諸呂權傾五伯囚於請室絳侯周勃

抵罪猶伏罪也呂后崩諸呂欲危劉氏勃盡誅之立文帝權傾五伯言盛於彼也請室請罪之室若今鐘下也魏

其大將也衣赭衣關三木魏其竇嬰也赭赤色也罪人之服關穿也三木謂桎

械季布為朱家鉗奴

季布為項籍將數窘漢王項籍滅高祖購求布千金敢舍匿者

罪三族布乃髡鉗之魯朱家賣之

灌夫受辱于居室

丞相田蚡娶燕王女為夫人太

后詔列侯宗室皆往賀灌夫為丞相所怒乃縛之以其罵坐不敬繫于居室

此人皆身至

王侯將相聲聞鄰國

此人謂上從西伯下至灌夫

及罪至罔加不

能引決自裁在塵埃之中古今

一體安在其不辱也

國猶法也塵埃猶拘繫也

由此言之勇怯勢也強弱形也審矣何

足怪乎夫人不能早自裁繩墨之外以稍陵遲至於

鞭箠之間乃欲引節斯不亦遠乎

節節氣也古人所遠猶晚也

以重施刑於大夫者殆為此也夫人情莫不貪生惡



死念父母顧妻子至激於義理者不然乃有所不得

已也今僕不幸早失父母無兄弟之親獨身孤立少

卿視僕於妻子何如哉言已輕妻子故反問之且勇者不必死

節怯夫慕義何處不勉焉僕雖怯懦欲苟活亦頗識

去就之分矣何至自沈溺縲紲之辱哉縲紲墨索也繼

罪人言我亦識去就何至自沈此且夫臧獲婢妾由

能引決况僕之不得已乎荆陽淮海之間呼所以隱

忍苟活幽於糞土之中而不辭者恨私心有所不盡

鄙陋不盡鄙陋謂修史也沒世而文采不表於後世也古者富

貴

實而名磨滅不可勝記意事意何唯倜儻非常之人稱焉倜儻卓異

也蓋文王拘而演周易仲尼厄而作春秋屈原放逐

乃賦離騷左丘失明厥有國語孫子臆脚兵法修列

不韋遷蜀世傳呂覽韓非囚秦說難孤憤不韋相秦後以嫪毐

事徙蜀呂覽即呂氏春秋也韓非作孤憤秦王悅之

李斯姚賈毀之乃下吏按不韋呂覽在相國時不在

遷蜀時方氏呂覽序辯之已悉孤憤亦非囚而後作遷但取比類耳詩三百篇太底賢

聖發憤之所為作也此人皆意有所鬱結不得通其

道故述往事思來者乃如左丘無目孫子斷足終不

可用退而論書策以舒其憤思垂空文以自見僕竊



不遜近自託於無能之辭說入自已網羅天下放失舊文畧考

其事綜其終始稽其成敗興壞之紀上計軒轅下至

于茲為十表本紀十二書八章世家三十列傳七十

凡百三十篇亦欲以究天地之際通古今之變成一

家之言草創未就會遭此禍惜其不成是以就極刑

而無慍色僕誠已著此書藏之名山傳之其人通邑

大都其人謂與已同志者則僕償前辱之責雖萬被戮豈有悔

哉然此可為知者道難為俗人言也且負下未易居

下流多謗議推賢進士正答累少卿僕以口語遇遭此禍重為鄉



里所戮笑

戮辱也

以汚辱先人亦何面目復上父母之

丘墓乎雖累百世垢彌甚耳

垢藏也

是以腸一日而九

迴居則忽忽若有所人出則不知其所往每念斯恥

汙未嘗不發背霑衣也身直為閭閻之臣寧得自引

深藏巖穴耶故且從俗浮沉與時俯仰以通其狂惑

鬻子曰知善不行者謂之狂知惡不改者謂之惑

今少卿乃教以推賢進士

無乃與僕私心刺

力割

謬乎

刺戾也今雖欲自彫琢曼

音辭以自飾

曼美也

無益於俗不信祗足取辱耳要之

死日然後是非乃定書不能悉意畧陳固陋謹再拜



○報孫會宗書

惲與太僕戴長樂相失坐事免官遂治產業起室以財自娛友人孫

會宗與惲書言大臣廢退當杜門惶懼不當治產業通賓客有稱譽惲乃作此書報之辭

氣怨激卒以賈禍

楊惲

惲字子幼華陰人也為常侍散騎封通平侯

惲材朽行穢文質無所底

底致也

幸賴先人餘業得備

宿衛

先人餘業謂惲父敞為丞相也宿衛常侍散騎官也

遭遇時變以獲爵位

霍氏謀反惲以先聞知因得封侯

終非其任

此致謝

卒與禍會

禍會謂見廢也

足下

以哀其愚

賜書教督以所不及殷勤甚厚

督正也

然

竊恨足下不深惟其終始而猥隨俗之毀譽也

惟思也猥

猶曲也

言鄙陋之愚心則若逆指而文過默而息乎恐

違孔氏各言爾志之義

默息不言也

故敢畧陳其愚唯君

書意

子察焉自啟更始未憚家方隆盛時乘朱輪者十人位在列卿爵

為通侯

舊曰徹避武帝諱作通言其功德通於王家也侯即平通侯也

總領從官與

去聲

聞政事遂層洗發曾不能以此時有所建明以宣德化又不

能與羣僚同心并力陪輔朝廷之遺忘已負竊位素

殲之責久矣頓宕懷祿貪勢不能自退遂遭變故橫被口

語身幽北闕妻子滿獄

口語則戴長樂所告也憚禁在北闕不在常禁人之所

當此之時自以夷滅不足以塞責豈意得全首領復



奉先人之丘墓乎伏惟聖主之恩不可勝量君子游

道樂以忘憂小人全軀說以忘罪竊自念過已大矣

行矣字情詞慷慨長為農夫以沒世矣是故身率妻子戮力

耕桑灌園治產以給公上給君上之賦稅謂免官為庶人故也不意當

復用此為譏議也夫人情所不能止者聖人弗禁故

君父至尊親送其終也有時而既既盡也臣之得罪已

三年矣寫出一幅田家圖和復家適不詳田家作苦歲時伏臘伏六月伏日也夏日嘉平殷日清祀周日大蜡

故改烹羊烹魚為臘斗酒自勞家本秦也能為秦聲婦趙

女也雅善鼓瑟奴婢歌者數人酒後耳熱仰天撫缶

而呼鳴鳴擊之以節歌其詩曰田彼南山蕪穢不治

種一頃豆落而為萁山高在陽人君之象也蕪穢不治

為萁言徒為盡力而無益也人生行樂耳須富貴何時也是日

也拂衣而喜奮袖低昂頓足起舞誠淫荒無度不知

其不可也憚幸有餘祿方糴賤販貴逐什一之利糴

時之賤者乘貴而出之十此賈豎之事污辱之處憚

親行之下流之人眾毀所歸不寒而慄不寒而懷戰慄言懼也

雖雅知憚者猶隨風而靡尚何稱譽之有雅知謂董

生不云乎明明求仁義常恐不能化民者卿大夫之



意也。明明求財利，常恐困乏者，庶人之事也。董仲舒對策文

故道不同，不相為謀。今子尚安得以卿大夫之制而

責僕哉？

言今為庶人賈豎之事，安得責我卿大夫之制乎？

夫西河魏土，文侯

所興，有段干木、田子方之遺風，凜然皆有節槩，知去

就之分。

西河，會宗居正也。言會宗當得其遺風，知去就。

頃者足下離舊土，

謂去

西臨安定，安定山谷之間，昆夷舊壤，子弟貪鄙，豈習

俗之移人哉？

昆夷，西戎也。

於今乃睹子之志矣。方當盛漢

之隆，願勉旃，無多談也。

旃，之也。

文選集言

卷六

三



○論盛孝章書

盛憲字孝章舉孝廉補尚書郎路逢童子容貌非常怪而問之答曰

魯國孔融時年十餘歲憲以爲異乃載歸與之言知其奇才便結爲兄弟升堂見親後憲遷吳郡太守以疾去官孫策平定吳會深忌之融憂其不免乃與操書徵爲都尉詔命未至果爲吳所害

孔融

歲月不居時節如流五十之年忽焉已至公爲始滿

融又過二

公謂曹操也始滿正五十也融過二歲

海內知識零落殆盡

惟會稽盛孝章尙存其人困於孫氏妻孥湮沒單子  
獨立孤危愁苦若使憂能傷人此子不得復永年矣

春秋傳曰諸侯有相滅亡者桓公不能救則桓公恥

之

公羊傳曰邢公孰亡之蓋狄滅也曷為不言狄滅之為桓公諱也曷為為桓公諱上無天子下無方

伯天下諸侯有相滅亡者桓公不能救則桓公恥之也

今孝章實丈夫之雄也

天下談士依以揚聲而身不免於幽執命不期於旦

夕是吾祖不當復論損益之友而朱穆所以絕交也

融蓋孔子二十一代孫吾祖謂孔子也論語益者三友損者三友朱穆感世澆薄莫尚敦厚著絕交論

公誠能馳一介之使加咫尺之書

一介謂單使也長八寸曰咫言短書

不假多也

則孝章可致友道可弘矣

可致可迎至也

今之少年喜

謗前輩或能譏評孝章孝章要為有天下大名九牧



之人所共稱歎

九州牧猶九州也

燕君市駿馬之骨非欲以騁

道里乃當以招絕足也

郭隗調燕昭王曰臣聞古之人君有遣使者齎千金之貨

市千里馬於他國未至而馬死使者乃以五百金買死馬之骨以歸其君怒使者對曰死馬尚市之况生者乎馬今至矣於是期年而千里馬至者三此言孝章縱非賢良可收天下名望能救之足以致賢才也

惟公匡復漢室宗社將絕又能正之正之之術實須

得賢珠玉無經而自至者以人好之也况賢者之有

足乎

韓詩外傳蓋胥謂晉平公曰珠出於海玉出於山無足而至者好之也士有足而不至者君不

好也經足也

昭王築臺以尊郭隗隗雖小才而逢大遇竟

能發明主之至心故樂毅自魏往劇辛自趙往鄒衍

自齊往

燕昭王謂郭隗曰齊因孤之國亂而襲破燕孤知國小力少不足以報然誠得賢士與共

圖以雪先王之讐也願先生視可者得身事之隗曰

王必欲致士先從隗始於是昭王爲隗改築宮而師

事之樂毅鄒衍劇辛皆至乃破齊國威振諸侯

嚮使郭隗倒懸而王不解臨

溺而王不拯則士亦將高翔遠引莫有北首

音日

燕路

者矣凡所稱引自公所知而復有云者欲公崇篤斯

義也

稱引謂引古義也斯義招賢之義也

因表不悉



○爲幽州牧與彭寵書

浮欲收士心辟召州中王岑之屬及王奔時故吏二

十石皆引置幕府多發諸郡倉穀贍其妻子漁陽太守彭寵以爲天下未定不宜多置官屬以費軍資不從其令浮密奏寵遣吏迎妻而不迎其母又受貨賄殺害友人多聚兵穀意計難量寵既積怨遂大怒舉兵攻浮浮以書責之

朱浮

浮字叔元初從光武拜大司馬主簿後乃爲大將軍幽州牧守薊城

蓋聞智者順時而謀愚者逆理而動常竊悲京城太

叔以不知足而無賢輔卒自棄於鄭也

左傳鄭武公生莊公及其

叔段姜氏愛叔段欲立之亟請於武公公弗許及莊公即位請京使居之謂之京城太叔既而太叔完聚繕甲兵具卒乘將襲鄭公聞其期命子封帥居二百乘以伐京京叛太叔段鄭伯克段于鄆

伯通

以名字典郡有佐命之功臨民親職愛惜倉庫

伯通彭寵

字名字調聲譽也典郡謂太守也佐命謂輔受命者

而浮秉征伐之任欲權時

救急二者皆為國耳即疑浮相譖何不詣闕自陳而

為族滅之計乎朝廷之於伯通恩亦厚矣委以大郡

任以威武事有柱石之寄情同子孫之親匹夫媵

以證

母尚能致命一殮

匹夫媵母皆卑賤無職之人言感一食之惠尚能致死命以報

豈

有身帶三綬職典大邦而不顧恩義生心外叛者乎

二綬者古人兼官一官一綬也更始使謁者韓鴻持節徇北州承制得專拜二千石以下鴻至薊以寵鄉

閭故人相見大喜拜寵偏將軍行漁陽太守世祖又以書招寵寵乃發步騎三千人歸世祖世祖承制封



建中侯賜號大將軍大邦漁陽也

伯通與吏民語何以爲顏行步拜

起何以爲容

言其不顧恩義而爲背叛朝夕與人言辭拜起豈不厚顏

坐卧念之

何以爲心

言內愧也

引鏡窺影何以施眉目舉措建功何

以爲人惜乎棄休令之嘉名造梟鴟之逆謀捐傳葉

之慶祚

言寵已封侯可傳子孫也

招破敗之重災高論堯舜之道

不忍桀紂之性生爲世笑死爲愚鬼不亦哀乎伯通

與耿俠游俱起佐命同被國恩

吳漢說寵從世祖會上谷太守耿况亦使

功曹寇恂請寵結謀共歸世祖况字俠游

俠游謙讓屢有降挹之言而伯

通自伐以爲功高天下

挹損也

往時遼東有豕生子白

頭異而獻之行至河東見羣豕皆白懷慙而還若以

子之功論於朝廷則為遼東豕也

言朝廷之人如今

今

乃愚妄自比六國

時伯通自號國為燕

六國之時其勢各盛廓

土數千里勝兵將百萬

廓開也勝強也將猶近也

故能據國相持

多歷年所

所數也

今天下幾里列郡幾城

幾者假設問辭言今天下

非比六國時也

奈何以區區漁陽而結怨天子

區區言小也

此猶

河濱之人捧土以塞孟津多見其不知量也

孟津海口

方

今天下適定海內願安士無賢不肖皆樂立名於世

而伯通獨中風狂走自捐盛時

言寵之叛逆如病者中風而狂走

內



聽嬖婦之失計外信讒邪之諛言

浮密奏寵王徵之寵既自疑其妻勸

寵無應徵今漁陽夫郡兵馬衆多奈何爲人所奏而棄此去寵與所親信吏計議吏皆怨浮勸寵止不應

徵

長爲羣后惡法

羣后指功臣已封者而言惡法亦鑒戒也

永爲功臣鑒

戒豈不誤哉定海內者無私讐勿以前事自疑

定海內指

光武而言前事指寵不應徵而言

願留意顧老母少弟兄舉事無爲

親厚者所痛而爲見讐者所快

寵如不悛必見誅滅則親者痛之讐者快

之矣

天選集言

卷九

四三

天選集言

卷九

五不惑

入西康而

實其意



○為曹洪與魏文帝書

洪字子廉太祖從弟文帝集序日上平定漢中族父

都護還書與子盛稱彼方七地形勢觀其辭如陳琳所為

陳琳

十一月五日洪白前初破賊情侈意奢說事頗過其

實

賊謂蜀將張魯

得九月二十日書

得文帝書

讀之喜笑把玩無

厭亦欲令陳琳作報琳頃多事不能得為念欲遠以

為歡故自竭老夫之思

歡笑也

辭多不可一二初舉大

綱以當談笑

曲也二委

漢中地形實有險固四嶽三塗

皆不及也

漢中謂入蜀之地也左傳司馬侯曰四嶽三塗九州之險也東嶽岱南嶽衡西嶽華

文選纂注

卷九

四十四

北嶽恒三塗在河南陸運縣南

彼有精甲數萬臨高守要一夫揮戟

萬人不得進而我軍過之若駭鯨之決細網奔兕之

觸魯縞未足以喻其易

縞出曲阜者更輕細故曰魯縞言我軍過彼險固甚易也

雖云王者之師有征無戰

言莫敢抗

不義而彊古人常有

不義而彊左傳叔向語

故唐虞之世蠻夷猾夏

猾亂也

周宣之盛

亦讐大邦詩書歎載言其難也

書蠻夷猾夏寇賊姦宄詩蠢爾蠻荆大邦

爲讐此詩書所歎載皆謂其難敵也

斯皆憑阻恃遠故使其然是以察

茲地勢謂爲中才處之殆難倉卒

蔡蜀之地勢以中才處之亦難急取

倉卒謂急速也

來命陳彼妖惑之罪序王師曠蕩之德豈不



信然

文帝與洪書曰今魯包凶邪之心肆蠱惑之政天兵神討師徒無暴樵牧不臨

是夏殷

所以喪苗扈所以斃

夏殷桀紂也無道所以喪亡有不歸舜舜命禹討之有扈氏

威侮五行並為暴亂啓與戰於甘之野

我之所以克彼之所以敗也不

然商周何以不敵哉

商紂也周武王也不敵不相敵哉

昔鬼方聶昧

崇虎讒凶殷辛暴虐三者皆下科也然高宗有三年

之征文王有退修之軍盟

音孟

津有再駕之律

周易曰高宗伐

鬼方三年克之崇虎崇侯虎也文王聞崇德亂伐之軍二旬而不降退而修德復伐之乃降武王伐紂至

於孟津而還

然後殪

音翳

戎勝殷有此武功

康誥殪戎殷殪猶滅

也未有星流景集飈奮霆擊長驅山河朝至暮捷若

今者也

星流景集驄舉霆擊言疾速也古之聖賢皆積年歲以克敵未有疾速若今日者景日影

也由此觀之彼固不逮下愚則中才之守不然明矣

彼張魯也下愚指鬼方等

在中才則謂不然而來示乃以為彼之

惡稔雖有孫田墨黠

力

猶無所救竊又疑焉

文帝與曹洪書

日今魯罪兼苗桀惡稔屬莽縱使宋翟妙機械之巧田單騁奔牛之誑孫吳勒入陣之變猶無益也

何

者古之用兵敵國雖亂尚有賢人則不伐也是故三

仁未去武王還師宮奇在虞晉不加戎季梁猶在彊

楚挫謀

季梁隨賢臣也楚將伐隨知季梁在而不伐

暨至衆賢奔紂

勅律三

國為墟明其無道有人猶可救也

衆賢謂上三仁及宮之奇季梁也三



國謂毀虞隨也奔紂謂廢棄也言此以見無道之國有賢猶可救也墟謂丘墟且夫墨子之

守縈帶為垣高不可登折箸為械堅不可入公輸為雲梯必

取宋九設攻城之機變墨子九距之公輸械盡墨子之守有餘公輸出而曰吾知所以距子矣吾不言墨

子曰公輸子之意不過欲殺臣殺臣宋莫能守乃可攻也然臣之弟子禽滑釐三百人已持守器在宋城

上而待楚寇矣雖殺臣不能絕也楚王曰善吾請無攻若乃距陽平據石門褒谷

西有古陽平關石門在漢中之西八陣一曰方二曰圓三日牝四曰牡五日

衝六曰輪七日浮沮田單為火牛以破燕軍騁奔牛之權焉肯

八日鴈行櫛布也魚爛自土崩魚爛哉內發也設令守無巧拙皆可攀附則公

輪已陵宋城樂毅已拔即墨矣墨翟之術何稱田單

之智何貴老夫不敏未之前聞蓋聞過高唐者效王

豹之謳游睢

惟息

渙者學藻績之綵

睢渙之間出文章故其黼黻絺繡曰

月華臣以奉

宗廟御服

間自入益部仰司馬楊王之遺風有子

勝斐然之志

司馬長卿楊雄王褒也子勝斐然猶云慕效也

故頗奮文辭異

於他日怪乃輕其家丘謂爲倩人是何言歟

魯人不識孔丘

聖人乃云我東家丘者吾知之矣言汝輕我如東家丘謂我文辭皆倩陳琳作是何言歟

夫騶

騶垂耳於垆牧鴻雀戢翼於汙池

騶騶良馬也垂耳謂未能用其力故

耳垂也垆牧野外也鴻雀大鳥也戢斂也汙池小水也

褻之者固以爲園囿之

凡鳥外廐之下乘也及其整蘭筋揮勁翮

智馬經云一筋從玄



中出謂之蘭筋玄中者曰上  
陷如井字蘭筋堅者千里

陵厲清浮顧盼千里豈

可謂其借翰於晨風假足於六駮

補角哉厲奮也陵厲清浮鴻也顧

盼千里馬也晨風鸛也毛詩隰  
有六駮駮如馬倨牙食虎豹

恐猶未信丘言必大

噓其也洪白

楚元王傳過其丘嫂張晏曰丘大也丘言猶云大言也噓笑也





○為曹公與孫權書

阮瑀

瑀字元瑜操為司空召為軍謀祭酒管記室書檄多瑀所作

離絕以來于今三年無一日而忘前好亦猶姻媾之

義恩情已深違異之恨中間尚淺也

爾雅婿之父曰姻婦之父曰媾

毛詩箋重婚曰媾吳志策并江東曹操力未能逞且欲撫之乃以弟女配策小弟匡又為子章取貴女

孤懷此心君豈同哉每覽古今所由改趣

趣向也

因緣

假辱或起瑕釁心忿意危用成大變若韓信傷心於

失楚彭寵積望於無異

漢高祖徙信為楚王後降封為淮陰侯故云失楚光武至

薊彭寵上謁光武接之無異羣臣以此懷不平光武知之以問朱浮浮對曰陛下皆倚為北道主人寵謂

至當延閣握手交歡並坐  
今既不然所以失望也

盧綰嫌畏於已隙英布憂

迫於情漏此事之緣也

漢書上如邯鄲擊陳豨燕王  
盧綰亦擊其東北豨使王黃

求救於匈奴綰亦使其臣張勝於匈奴勝至胡燕王  
藏茶子亡在胡見勝曰公何不令燕且緩衍豨而與  
胡和事寬得長王燕勝還報具道所以綰使范齊之  
豨所欲令連兵無決漢既斬豨其裨將降言綰謀上  
召綰綰稱病故云已隙漢誅梁王彭越盛其醢以徧  
賜諸侯至淮南王王大恐陰令人部聚兵伺旁郡警  
急責赫為布中大夫上變言布謀反有端可先未發  
誅也淮南王疑其上言國陰事漢使又來頗有所驗  
故云  
情漏孤與將軍恩如骨肉割授江南不屬本州豈若  
淮陰捐舊之恨  
楊州舊屬江南今魏徙楊州於壽春  
而孫權全有江南之地故不屬本州  
捐舊棄抑遏劉馥相厚益隆寧放朱浮顯露之奏  
壽州



刺史劉馥每請伐吳操常遏絕不許未浮為幽州牧  
奏漁陽守彭寵寵遂反操自言與權相厚豈學朱浮

乎

無匿張勝貸故之變

盧綰疑勝與胡反上書請族殺勝勝還報綰前意綰乃詐

論他事以脫勝家屬此為匿藏張勝而恩貸之言權無此也

匪有陰構賁

音肥

赫之

告

英布謀反賁赫告之

固非燕王淮南之豐也而忍絕王命明

棄碩交實為佞人所構會也

蘇秦謂齊王曰此棄仇讐而得石交者也碩與

石通

夫似是之言莫不動聽因形設象易為變觀示之

以禍難激之以恥辱大丈夫雄心能無憤發昔蘇秦

說韓羞以牛後韓王按劍作色而怒雖兵折地割猶

不為悔人之情也

蘇秦為楚合從說韓王曰二聞鄙諺曰寧為鷄口不為牛後

仁

君年壯氣盛緒信所嬖

辟計反緒業也言業已信之也

既懼患至兼

懷忿恨不能復遠度孤心近慮事勢遂齎見薄之决

計秉翻然之成議

齎持也秉執也

加劉備相扇揚事結疊連

推而行之想暢本心不願於此也

暢通也言我想權本心不願若此

孤以薄德位高任重幸蒙國朝將泰之運盪平天下

懷集異類喜得全功長享其福而姻親坐離厚援生

隙

姻親厚援皆謂權也隙讐也

常恐海內多以相責以爲老夫包

藏禍心陰有鄭武取胡之詐

韓子曰鄭武公伐胡先以其子妻胡君以娛其

意因而問於羣臣曰吾所用兵誰可伐者大夫關其思對曰胡可武公怒而戮之曰吾兄弟之國也子言



伐之何胡君聞之以鄭親已乃使仁君翻然自絕以  
遂不備鄭鄭人襲胡取之

是忿忿懷慙反側常思除棄小事更申前好二族俱

榮流祚後嗣

二族謂曹孫也

以明雅素中誠之效抱懷素年

未得散意昔赤壁之役遭離疫氣燒船自還以避惡

地非周瑜水軍所能抑挫也江陵之守物盡穀殫無

所復據徙民還師又非瑜之所能敗也

吳志曹操臨荆州權遣周

瑜程普爲左右督各領萬人與劉備俱進過於赤壁  
大破公公軍燒其餘船士卒飢疫死者大半備瑜等

復追至南郡公遂北還留曹仁於江陵荆土本非已  
瑜仁相守歲餘所殺傷甚衆仁委城走

分我盡與君冀取其餘非相侵肌膚有所割損也思

計此變無傷於孤何必自遂於此不復還之

言荊州之士非

我之分今盡以與君實冀取餘地耳本非已分故云無傷於孤自遂任意也

高帝設爵以

延田橫光武指河而誓朱鮪君之負累豈如二子是

以至情願聞德音

項羽已滅田橫懼誅與賓客亡入海高祖恐其以為亂遣使赦橫曰

橫來大者王小者侯光武攻洛陽朱鮪守之上令岑彭說鮪曰赤眉已得長安更始為胡殷所反害今公誰為守乎鮪曰大司徒被害鮪與其謀誠知罪深不敢降耳彭還白上上謂彭復往明曉之夫建大事不忌小怨今降官爵可保况誅罰乎

往年在譙新造舟

船取足自載以至九江貴欲觀湖濑之形定江濱之

民耳非有深入攻戰之計也

魏志建安十四年軍至譙作輕舟治水軍自渦



入淮出淝水吳志初曹操恐江濱郡縣為權所畧徵令內移轉相警備白廬江九江蘄春廣陵十餘萬皆東渡江江西遂虛將恐議者大為已榮自謂策得長

灤祖了切胡名

無西患重以此故未肯迴情

左傳楚子曰安人之亂以為已榮是時江西戶

十餘萬渡江入吳恐權之議者大為已國之榮自謂已得長策可無西方之患以此未肯迴情向魏

智者之慮慮於未形達者所規規於未兆是故子胥

知姑蘇之有麋鹿輔果識智伯之為趙禽

伍子胥諫吳王曰臣

今見麋鹿游姑蘇之臺也姑蘇吳臺名麋鹿游言國亡臺荒也智伯與韓魏圍趙於晉陽張孟談陰見韓魏之君曰智伯伐趙趙亡則二君為之次二君乃與孟談陰約夜遣人入晉陽智果見二君說智伯曰二主色動而變必背君矣不如殺之智伯曰不可智果見言之不聽出易姓為輔氏穆生謝病



以免楚難鄒陽北游不同吳禍

穆生者漢楚王戊門下客不嗜酒王常設

醴後忘設穆生乃謝病去鄒陽事吳王濞濞謀反屢諫不納乃北游梁後楚吳與七國連反誅穆生鄒陽

不及於禍此四士者豈聖人哉徒通變思深以微知著耳

四士謂子胥輔果穆生鄒陽也以君之明觀孤術數量君所據相計

土地豈勢少力乏不能遠舉割江之表晏安而已哉

甚未然也

甚未然者言能取也

若恃水戰臨江塞要欲令王師

終不得渡亦未必也夫水戰千里情巧萬端越爲三

軍吳曾不禦漢潛夏陽魏豹不意江河雖廣其長難

衛也

左傳越子伐吳吳子禦之笠澤夾水而陳越子爲左右勾卒使夜或左或右鼓譟而進吳師分



以禦之越子以三軍潛涉當吳中軍而鼓之吳師分  
亂漢書韓信進擊魏王豹豹盛兵蒲坂塞臨晉信乃  
益爲疑兵陳船欲渡至於臨晉而伏兵從夏陽以  
木罌渡軍襲安邑虜豹而歸言長江不可恃也凡

事有宜不得盡言將修舊好而張形勢更無以威脅

重敵人

言以威重迫脅敵人

然有所恐恐書無益何則往者軍

逼而自引還今日在遠而興慰納辭遜意狹謂其力

盡適以增驕不足相動但明效古當自圖之但明古人

之義當自謀之昔淮南信左吳之策隗囂納王元之言彭寵

受親吏之計三夫不寤終爲世笑

淮南王安謀反日夜與左吳等按輿

地圖部署兵所從出入隗囂自稱西州上將軍囂將王元說囂曰天水完富天下士馬最疆元請一九泥

東封函谷此萬世一時也羈心然元計遂反朱浮奏  
寵上徵之寵與所親信吏計議吏勸寵不應徵三人  
皆不寤事理以見以梁王不受詭勝竇融斥逐張玄  
滅為時人所笑也

二賢既覺福亦隨之願仁君少留意焉

漢書梁孝王怨袁盎迺與

羊勝公孫詭之屬陰使人刺殺袁盎天子意梁逐賊  
果梁使之遣使覆按梁事捕公孫詭羊勝皆匿王後  
宮韓安國泣諫王乃出之勝詭皆自殺梁王使韓安  
國因長公主謝上怒稍解後漢書竇融行西河五大  
郡大將軍事遙聞光武即位心欲東向隗囂使辯士  
張玄遊說融不納決策東向奉書獻馬光武賜融璽  
綬為涼州牧封安豐侯後遷大司空若能內取子布外擊劉備

張昭字子布權

委以文武內外之事欲令害之

以效赤心用復前好則江表之任長

以相付高位重爵坦然可觀上令聖朝無東顧之勞



下令百姓保安全之福君享其榮孤受其利豈不快

哉若忽至誠以處僥倖婉彼二人忍不加罪所謂小

人之仁大人之賊大雅之人不肯爲此也

婉猶親受也二人劉

備張昭也

若憐子布願言俱存亦能傾心去恨順君之情

更與從事取其後善但禽劉備亦足爲效開設二者

審處一焉聞荆揚諸將並得降者皆言交州爲君所

執豫章距命不承執事

孫輔字國儀假節交州刺史遣使與曹操相聞事覺權幽

繫之數歲卒劉繇字正禮避亂淮浦權遣爲揚州刺史繇不敢之州遂南保豫章

疫旱並行

人兵損滅各求進軍其言云云孤聞此言未以爲悅



然道路既遠降者難信幸人之災君子不爲且又百姓國家之有加懷區區樂欲崇和庶幾明德來見昭副不勞而定於孤益貴是故案兵守次遣書致意古者兵交使在其中願仁君及孤虚心迴意以應詩人補袞之數而慎周易牽復之義

案止也守次不前也及孤猶言思及我也

詩云袞職有關仲山甫補之言權若來降是補前過矣易云牽復吉言相引以復於善也牽引也

濯

鱗清流飛翼天衢良時在茲勗之而已

言治去逆歸順宴游明時

爵祿榮美如魚濯鱗於清流鳥飛翼於天路也



○與朝歌令吳質書

質為朝歌長大軍西征大子南在孟津小城與質書

魏文帝

五月十八日丕白季重無恙

季重吳質字也無恙猶言安否

塗路雖

局官守有限

局近也

願言之懷良不可任

毛詩願言思子任堪也

足下所理僻左書問致簡益用增勞

謂朝歌僻遠書問少致故增勞

也每念昔日南皮之游誠不可忘既妙思六經逍遙

百氏

南皮縣名丕嘗與質同遊

彈碁間設終以六博高談娛心哀

箏順耳馳騁北場旅食南館浮甘瓜於清泉沉朱李

於寒水白日既匿繼以朗月同乘並載以游後園興

輪徐動。參從無聲。

從謂侍從之人

清風夜起。悲笳微吟。樂往。

哀來。愴然傷懷。

言物極則反。樂極則哀。故愴然傷懷。

余顧而言。斯樂難。

常。足下之徒。咸以為然。

足下謂實

今果分別。各在一方。元。

瑜長逝。化為異物。

異物謂生死為物各異。以阮瑀已死也。

每一念至。何。

時可言。方今蕤賓紀時。景風扇物。

禮記仲夏之月。律中蕤賓。易通卦驗。

夏至則景風生

天氣和暖。眾果具繁。時駕而游。北遵河曲。

遵循

也。

從者鳴笳。以啓路。文學記乘於後車。

啓路謂引前也。文學官名。

託附也。時帝為太子。故文學附後車以從。

節同時異。物是人非。我勞如何。

時異謂此時不同游也。

今遣騎到鄴。故使枉道相過。行矣。自愛。



丕白

文選集注

卷九

七

文選集註

卷九

五十五



○與吳質書

魏文帝

二月三日丕白歲月易得別來行復四年

行猶且也

三年

不見東山猶歎其遠况乃過之思何可支

詩曰我沮東山滔滔

不歸自我不見于今三年此歎三年為遠况四年思何支持也

雖書疏往返未足解

其勞結

結謂憂心之結

昔年疾疫親故多離其災徐陳應劉

一時俱逝痛可言邪

徐幹陳琳應瑒劉楨

昔日游處行則連輿

止則接席何曾須臾相失每至觴酌流行絲竹並奏

酒酣耳熱仰而賦詩當此之時忽然不自知樂也謂

百年已分

去聲

可長共相保

已分如云分所當得是以不知其為樂也

何圖

數年之間零落略盡言之傷心頃撰其遺文都為一

集

撰定也

觀其姓名已為鬼錄追思昔游猶在心目而

此諸子化為糞壤可復道哉觀古今文人類不護細

行鮮能以名節自立而偉長獨懷文抱質恬淡寡欲

有箕山之志可謂彬彬君子者矣

偉長徐幹字也箕山許由隱處也

著中論二十篇成一家之言辭義典雅足傳于後此

子為不朽矣德璉常斐然有述作之意

德璉應瑒字也

其才

學足以著書美志不遂良可痛惜間者歷覽諸子之



文對之技公幹淚既痛逝者行自念也孔璋章表殊健

微為繁富孔璋陳琳字也章書也公幹有逸氣但未適耳其五

言詩之善者妙絕時人公幹劉楨字也適勁也元瑜書記翩翩

致足樂也元瑜阮瑀字也記亦書類翩翩雅致足以娛神仲宣獨自善於辭

賦惜其體弱不足起其文至於所善古人無以遠過

仲宣王粲字也昔伯牙絕絃於鍾期仲尼覆醢於子路痛知

音之難遇傷門人之莫逮呂氏春秋子期死伯牙破琴絕絃禮記孔子哭子路

於中庭進使者而問故使者曰醢之矣遂命覆醢絕絃痛知音之難遇也覆醢傷門人之莫及也諸

子但為未及古人亦自一時之儔也今之存者已不

逮矣後生可畏來者難誣恐吾與足下不及見也年  
行已長大所懷萬端時有所慮至通夜不瞑志意何

時復類昔日已成老翁但未白頭耳光武有言年已

三十餘在兵中十歲所更非一

光武賜隗囂書更猶歷也

吾德不

及之年與之齊矣

言德不及光武年與已與之齊

以犬羊之質服虎

豹之文無衆星之明假日月之光

法言曰敢問質曰羊質而虎皮見草

而悅見豹而戰文子曰百星之明不如一月之光文帝謙非才而居太子之位也

動見瞻觀

何時易乎恐永不復得爲昔日遊也

言處重位舉動出入人所瞻視

不容易易故恐不得爲昔日遊

少壯真當努力年一過往何可攀援



古人思秉燭夜遊良有以也

古詩云少壯不努力老大徒傷悲又曰晝短苦

夜長何不秉燭遊

頃何以自娛頗復有所述造否東望於邑

裁書敘心不白

於邑哽咽也

五經

卷九

五



○與鍾大理書

鍾繇字元常魏國初建為大理時帝為太子以從征在孟津聞繇有

玉玦欲得之而難於公索使臨淄侯轉因人說之繇即送之乃作書謝繇

魏文帝

丕白良玉比德君子珪璋見美詩人

禮記君子北德於玉詩曰顯顯

印印如珪如璋

晉之垂棘魯之與璠宋之結綠楚之和璞

美

玉名價越萬金貴重都城

尹文子曰魏有田父耕於野得玉徑尺不知其玉也棄之

於野隣人盜之以獻魏王王召玉工相之曰賀大王得天下之寶臣所未嘗見王問其價玉工曰此無價以當之五城之都聊可一觀魏王立賜有稱疇昔流

聲將來是以垂棘出晉虞號雙禽

晉荀息以垂棘之璧假道於虞以伐

號虞公許之晉既滅虢還而滅虞

和璧入秦相如抗節竊見玉書稱

美玉白如截肪

方

黑譬純漆赤擬鷄冠黃侔蒸栗

割

也肪猪脂也栗蒸之色黃

側聞斯語未覩厥狀雖德非君子義無

詩人高山景行私所慕仰然四寶邈焉已遠秦漢未

聞有良比也

四寶謂上白黑赤黃之寶也

求之曠年不遇厥真私

願不果饑渴未副近日南陽宗惠叔稱君侯昔有美

袂聞之驚喜笑與抃會

抃拊手也會謂笑而拊手也

當自白書恐

傳言未審是以令舍弟子建因荀仲茂時從容喻鄙

旨

荀宏字仲茂為太子文學使為子建先容尤不所欲之意旨猶意也

乃不忽遺厚見



周稱

周稱謂  
繇書也

鄴騎既到寶玦初至捧匣跪發五内震

駭

繇在鄴城太子在孟津騎使從  
鄴都還到孟津匣以盛玦者

繩窮匣開爛然滿

目

繩繫  
匣者

猥以蒙鄙之姿得覩希世之寶不煩一介之

使不損連城之價既有秦昭章臺之觀而無藺生詭

奪之誑

史記趙惠文王得和氏璧秦昭王使人遺書  
願以十五城易璧趙使相如奉璧入秦秦王

坐章臺相如奉璧視秦王無意償城乃前曰璧有瑕  
請指之主授相如相如持璧倚柱怒髮上衝冠曰觀

大王無償趙城色故臣復取璧大王必欲殺臣臣頭  
與壁俱碎於柱言有昭王之美觀無相如之欺奪也

嘉貺益腴敢不欽承謹奉賦一篇以讚揚麗質丕白

文苑英華

卷九

七



○與楊德祖書

書論諸才人優劣

曹植

植白數日不見思子爲勞想同之也僕少小好爲文

章迄至于今二十有五年矣然今世作者可略而言

也昔仲宣獨步於漢南孔璋鷹揚於河朔

王粲在荊州故曰漢

南陳琳廣陵人在冀州爲袁紹記室故曰河朔

偉長擅名於青土公幹振藻

於海隅

徐幹居北海郡禹貢之青州也故云青土劉楨東平寧陽人也寧陽邊齊故云海隅

德

璉發跡於此魏足下高視於上京

應瑒南頓人也近許都故曰北魏上

京謂帝都也

當此之時人人自謂握靈蛇之珠家家自謂

抱荆山之玉

隨侯見大蛇傷斷以藥傅而塗之後蛇於大江中銜珠以報之因曰隨侯之珠

楚人和氏得玉璞於楚山故云荆山之玉

吾王於是設天網以該之頓八

紘以掩之今悉集茲國矣

吾王謂操也崔寔本論曰舉彌天之網以羅海內之

雄淮南子曰九州之外是有八澤八澤之外乃有八紘

然此數子猶復不能飛

騫絕跡一舉千里也以孔璋之才不閑於辭賦而多

自謂與司馬長卿同風譬畫虎不成反為狗者也前

有書嘲之反作論盛道僕讚其文夫鍾期不失聽於

今稱之吾亦不能妄歎者畏後世之嗤余也世人著

述不能無病僕常好人譏彈其文有不善者應時改



定昔丁敬禮嘗作小文使僕潤飾之僕自以才不過  
若人辭不爲也敬禮謂僕卿何所疑難文之佳惡吾  
自得之後世誰相知定吾文者邪吾嘗歎此達言以  
爲美談昔尼父之文辭與人通流至於制春秋游夏  
之徒乃不能措一辭過此而言不病者吾未之見也  
蓋有南威之容乃可以論於淑媛有龍淵之利乃可  
以議於斷割爲劉季緒張本南威美女也龍淵寶劍也此言知文者乃可論文也劉季  
緒才不能逮於作者而好詆訶文章倚居撫之利病  
劉表子官至樂安太守著詩賦頌六篇訶訾也倚偏引也昔田巴毀五帝罪三王

告

紫

五霸於稷下一旦而服千人魯連一說使終身

杜口

魯連子曰齊之辯者曰田巴辯於狙丘而議於稷下魯仲連聞而謂曰今楚軍南伐趙高唐

在朝夕今臣將罷南陽之師還高唐之兵所貴談說此之謂也如先生之言有似梟音人皆惡之田巴於是杜口終身不談

劉生之辯未若田氏今之仲連求之不難

可無歎息乎人各有好尚蘭茝蓀蕙之芳衆人所好

而海畔有逐臭之夫

喻人評文章愛好不同也蘭茝蓀蕙皆香草呂氏春秋昔有人

身大臭妻妾親戚無能與居此人自居於海畔海畔有人悅其臭晝夜隨之

咸池六莖之

發衆人所共樂而墨翟有非之之論豈可同哉

咸池六莖

黃帝顓頊樂也墨子有非樂篇

今往僕少小所著辭賦一通相與夫



街談巷說必有可采擊轅之歌有應風雅匹夫之思

未易輕棄也

以已辭賦此釋家之說野人之歌匹夫之思有足存者擊轅野人歌也

辭

賦小道固未足以揄揚大義彰示來世也昔楊子雲

先朝執戟之臣耳猶稱壯夫不為也

楊雄為郎郎皆執戟而侍楊子

法言曰彫蟲篆刻壯夫不為

吾雖薄德位為藩侯猶庶幾勳力上

國流惠下民建永世之業留金石之功豈徒以翰墨

為勳績辭賦為君子哉若吾志未果吾道不行則將

采庶官之實錄辯時俗之得失

其文直其事核不虛美不隱惡謂之實錄

言實錄其事也

定仁義之衷成一家之言雖未能藏之於名

山將以傳之於同好

司馬遷書曰僕誠以著此書藏之名山

非要之皓

首豈今日之論乎其言之不慙恃惠子之知我也

張平

子書曰其言之不慙恃鮑子之知我惠子惠施也

明早相迎書不盡懷植白



○與吳季重書

曹植

植白季重足下前日雖因常調得為密坐

常調謂常會密坐謂

接席也

雖讌飲彌日其於別遠會稀猶不盡其勞積也

若夫觴酌凌波於前簫笳發音於後足下鷹揚其體

鳳觀虎視

鳳以喻文虎以喻武

謂蕭曹不足儔衛霍不足侔也

蕭何曹參文吏也衛青霍去病武臣也

左顧右盼謂若無人豈非吾子

壯志哉過屠門而大嚼雖不得肉貴且快意

喻有文武之道

不見用也言若人雖不用且快我意亦如過屠者之門而開口大嚼雖不食其肉亦且快意植得自託也

當斯之時願舉泰山以爲肉傾東海以爲酒伐雲夢之竹以爲笛斬泗濱之梓以爲箏食若填巨壑飲若灌漏卮其樂固難量豈非大丈夫之樂哉然日不我

與曜靈急節

曜靈日也急節謂遷移速也

面有逸景之速別有參

商之闊

面謂相見日也逸過也參商二星常不相見言相見恐光景之速別離如參商之隔

思

抑六龍之首頓羲和之轡

抑止也頓下也六龍日車也羲和日御也言惜光景

之速思使日少留也

折若木之華閉濛汜之谷天路高邈良無

由緣

若木在崑崙言折取若木以拂日使之還却也濛汜日入處閉濛汜之谷使日礙而不入也然

天之高遠實無由攀緣

懷戀反側如何如何得所來訊文采委



曲曄若春榮瀏若清風申詠反覆曠若復面曠遠也復面謂

若相見也其諸賢所著文章想還所治復申詠之也所謂治

歌也言還朝歌當覽諸賢之作可令憲事小史諷而誦之憲事謂好事知文者

小史佐吏也夫文章之難非獨今也古之君子猶亦病諸

家有千里驥而不珍焉人懷盈尺和氏而無貴矣言驥

及和氏以希有故為貴耳今若家有千里人懷盈尺即驥及和氏寧得珍貴乎夫君子而不

知音樂古之達論謂之通而蔽墨翟不好伎何為過

朝歌而迴車乎足下好伎而正值墨氏迴車之縣想

足下助我張目也墨翟不好樂而朝歌非伎樂何謂過之而迴車是彼有不知音之蔽

也足下正值此縣想亦助我張目怒之

又聞足下在彼自有佳政夫求

而不得者有之矣未有不求而自得者也且改轍易

行非良樂之御易民而治非楚鄭之政願足下勉之

而已矣

王良伯樂善御馬者楚之叔敖鄭之子產二子俱不易人而治者願質勉之也

適對

嘉賓口授不悉往來數相聞曹植白



○答東阿王書

東阿王曹植也

吳質

質白信到奉所惠貺發函伸紙是何文采之巨麗而  
慰喻之綢繆乎夫登東岳者然後知衆山之邈迤也  
奉至尊者然後知百里之卑微也自旋之初伏念五  
六日至于旬時精散息越惘若有失非敢羨寵光之  
休暴猗頓之富也誠以身賤犬馬德輕鴻毛

質前從鄴還縣

也猗頓古之巨富人也

至乃歷玄闕排金門升玉堂伏虛檻於

前殿臨曲池而行觴

玄北也伏憑也

既威儀虧替言辭漏渫

雖恃平原養士之懿愧無毛遂耀穎之才深蒙薛公

折節之禮而無馮諼三窟之效

耀穎卽毛遂所云處囊中當脫穎而出也

齊人有馮諼者貧乏不能自存使人屬孟嘗君願寄食門下孟嘗君使收債於薛諼矯命以債賜諸人因燒其券曰爲君市義後有毀孟嘗君於湣王孟嘗君就國未至百里老幼迎於道中孟嘗君顧諼曰先生爲文市義乃今見矣馮諼曰狡兔有三窟乃免其死今君有一未得高枕而臥也請爲君復鑿二窟孟嘗君乃與車五十乘金五百斤西游於梁梁惠王聘孟嘗君齊王聞之君臣恐懼使太傅謝孟嘗君曰願君顧先王之宗廟姑反國統民馮諼謂孟嘗君請先王之祭器立宗廟於薛廟成還謂孟嘗君曰三窟已就請君高枕爲樂矣

屢獲信陵虛左之德又無侯生可述之美

信陵君魏公子無忌方置酒大會賓客從車騎虛左自迎夷門侯嬴嬴上坐不讓後秦伐趙圍邯鄲平原



君使使求救於魏用侯生許盜兵符以救趙却鄆遂解故云侯生可述之美

凡此數者乃

質之所以憤積於胷臆懷眷而惜邑者也

數者謂毛遂馮諼侯

生也惜邑憂貌以上疊植書足下鷹揚等語

若追前宴謂之未究欲傾海

為酒弁山為肴伐竹雲夢斬梓泗濱然後極雅意盡

歡情信公子之壯觀非鄙人之所庶幾也

究盡也肴肉也公子

謂植也鄙人質自謂也庶幾近也

若質之志實在所天

所天謂子建言已所仰賴

也天之文義即國以民為天民以食為天之天

思投印釋轡朝夕侍坐鑽仲

父之遺訓覽老氏之要言對清醕戶而不酌抑嘉肴

而不享

清醕酒也抑止也言得侍坐子建將對酒不酌止肉不食也

使西施出帷

嫫母侍側斯盛德之所蹈明哲之所保也

西施美女也嫫母醜

女也若乃近者之觀實蕩鄙心

近者之觀謂子建所述飲宴之時也

秦箏

發徽二八迭奏

發徽彈也二八言少艾也

塤簫激於華屋靈鼓動

於座左

塤簫樂器也激亦動也靈鼓鼗鼓也

耳嘈嘈於無聞情踴躍於

鞍馬

嘈嘈喧甚也以上疊植書大文夫之樂以上等語有箴規意

謂可比懾肅慎

使貢其楛矢南震百越使獻其白雉又况權備夫何

足視乎

肅慎北夷國名也楛木名也武王伐殷四夷來貢越裳獻白雉重譯而至權備謂吳與蜀

也

還治諷采所著觀省英瑋實賦頌之宗作者之師

也

謂到縣乃諷頌子建所賜之文也

衆賢所述亦各有志昔趙武過



鄭七子賦詩春秋載列以為美談

左傳趙武與諸侯大夫會過鄭鄭伯

享趙孟於垂隴七子從趙孟曰七子從君以寵武也

請皆賦詩以卒君貺武亦以觀七子之志子展賦草

蟲伯有賦鶉之賁賁子西賦黍苗之四章子產賦隰

桑子太叔賦野有蔓草叔段賦蟋蟀公孫段賦桑扈

質小人也無以承命又所答貺辭醜義陋申之再三

赧然汗下此方之人閑習辭賦三事大夫莫不諷誦

何但小史之有乎

此邦謂朝歌也三事大夫蓋致仕居朝歌者謂植之文皆為諷誦何

但小史而已以上答植書可令憲事小史等語

重惠苦言訓以政事刪隱之

恩形乎文墨墨子迴車而質四年雖無德與民式歌

且舞

墨子過朝歌即日迴車而質四年言久也用歌且舞言人歌樂之也

儒墨不同固

以久矣然一旅之衆不足以揚名

少康有衆一旅一旅五百人也言朝

歌縣小不足揚名

步武之間不足以騁跡

六尺曰步武跡也言地小何足馳騁

若不改轍易御將何以效其力哉

賢託言若不改大任將何以用力也

今處此而求大功猶絆良驥之足而責以千里之任

檻猿猴之勢而望其巧捷之能也不勝見恤謹附遣

白答不敢繁詞吳質白



○與滿公琰書

滿炳字公琰為別部司馬公琰前日曾過璩至明日璩欲遣書謝值

公琰又使人來召璩璩事不得往故為報

應璩

璩

其魚

白昨者不遺猥見照臨雖昔侯生納顧於夷門

毛公受眷於逆旅無以過也

侯生侯嬴也趙有處士毛公藏於博徒信陵君

欲見之自匿不肯見信陵聞所在乃間步往從之游甚歡逆旅客舍也

外嘉郎君謙下

之德內幸頑才見

現

誠知已

郎君謂炳也頑才璩自謂也炳父寵為太尉璩

嘗事之故呼曰郎君

歡欣踴躍情有無量是以奔騁御僕宣命

周求

言奔馳車馬宣我教命周求饌食以給公琰

陽晝喻於詹何楊倩說

於范武

說苑曰宓子賤將適單父陽晝謂子賤曰吾少賤無以送子今贈子以釣道夫投綸錯餌

迎而吸之者揚鱗也其為魚味薄而不美若亡若存若食若不食者魴也其為魚博而厚味子賤至單父冠蓋迎之者交接於道子賤曰陽晝所謂揚鱗者也乃請耆老尊賢與之共化列子曰詹何楚人也以獨蠶為綸芒針為鉤荆棘為竿剖粒為餌而引盈車之魚韓子曰宋人有酤酒者升概甚平遇客甚謹為酒甚美懸幟甚高然而不售酒酸怪其故問其所知問長者楊倩曰汝狗猛或不售酒酸怪其故問其所知問狗迎而齧之此酒所以酸不售也夫國亦然有道之士懷其術而欲以輔萬乘之主大臣為猛狗迎而齧之人主之所以蔽脅而有道之士所以不用也范武未詳此言使陽晝曉喻詹何其釣楊倩說令范武使其

故使鮮魚出自潛淵芳旨發自幽巷

芳旨美酒也發出也魚應

釣旨應酤也

繁俎綺錯羽爵飛騰

俎俎豆也言繁布如文綺錯雜羽觴作爵形儀



禮請勝爵今

牙曠高徽義渠哀激

伯牙善鼓琴師曠晉樂太師也鼓琴

又勝多作騰  
循絃謂之徽義渠西戎國名也其樂未詳

當此之時仲孺不辭同產之服

孟公不顧尚書之期

濯夫字仲孺夫嘗有姊服過丞相田蚡蚡從容曰吾欲與仲孺

過魏其侯會仲孺有服夫曰將軍乃肯幸臨魏其夫安敢以服為辭同產謂姊也陳遵字孟公嗜酒好賓客每取客車轄投井中嘗有郤刺史奏事過遵值其方飲刺史侯君霑醉時突入見遵母叩頭白曰當罰尚書有期會狀母  
徒恨宴樂始酣白日傾夕驪駒就

駕意不宜展

驪駒辭曰驪駒在路僕夫整駕追惟耿

迺今後閭出去

介迄于明發

追思也耿介不安也迄至也明發曉時也

適欲遣書會承來

命知諸君子復有漳渠之會

會約也來命謂炳有使來也漳水名

夫漳

渠西有伯陽之館北有曠野之望

伯陽館謂老子廟也

高樹翳

朝雲文禽蔽綠水沙塲夷敞清風肅穆是京臺之樂

也得無流而不反乎

淮南子曰令尹子瑕請飲莊王許諾子瑕具於京臺莊王不往

曰吾聞京臺者南望獵山北臨方皇左江右淮其樂忘歸若吾薄德之人不可以當此樂也恐流而不能

自反適有事務須自經營不獲侍坐良增邑邑因白不

悉璩白



○與侍郎曹長思書

長思不見史傳按書稱大弟合是璩中表弟也

應璩

璩白足下去後甚相思想叔田有無人之歌闋

因闕

都有匪存之思風人之作豈虛也哉

詩云叔于田巷無居人出其闥

閨有女如荼下章云匪我思存風人詩人也

王肅以宿德顯授何曾以後

進見拔皆鷹揚虎眇有萬里之望

王肅黃初中為散騎黃門侍郎何曾

弱冠累遷散騎侍郎給事黃門郎宿舊也授謂授職也拔擢也

薄援助者不能追參

於高妙復歛翼於故枝

薄援助謂無親朋在朝高妙謂顯授見拔者歛翼故枝如

鳥之不能高飛遠舉也

塊然獨處有離羣之志

塊然獨居貌

汲黯樂

在郎署何武恥為宰相干載揆之知其有由也

汲黯拜淮

揚太守伏地謝不受曰臣願為中郎出入禁闥何武恥義未詳有由蓋謂時勢不可處也

德非陳

平門無結駟之跡

陳平家貧負郭窮巷以席為門然門外多長者車轍結駟連騎也

學非楊雄堂無好事之客

楊雄家素貧嗜酒時有好事者載酒肴從雄遊

才

劣仲舒無下帷之思家貧孟公無置酒之樂

董仲舒少治春

秋下帷講習陳遵字孟公嗜酒每大飲賓客滿堂

悲風起於閨闥紅塵蔽於

几榻幸有袁生時步玉趾樵蘇不爨清談而已有似

周黨之過閔子

袁生未詳何人要是矇友也樵取薪也蘇取草也東觀漢記太原閔貢與

周黨相遇舍菽飲水無菜茹也

夫皮朽者毛落川涸者魚逝春生者



繁華秋榮者零悴自然之數豈有恨哉

秋物雖榮者  
霜則零落

枯悴也人之貴賤否泰亦  
自然之數豈可悵恨哉

聊與大弟陳其苦懷耳

大弟

謂曹長  
思也

想還在近故不益言矇白

古今事考

卷九

十三



○與廣川長岑文瑜書

廣川縣時旱祈雨不得作書以戲之

應璩

璩白頃者炎旱日更增甚沙礫銷鑠草木焦卷處涼

臺而有鬱蒸之煩浴寒水而有灼爛之慘宇宙雖廣

無陰以憇雲漢之詩何以過此

毛詩雲漢日赫赫炎炎云我無所言無所

此陰而處也

土龍矯首於玄寺泥人鶴立於闕里

淮南子土龍以

所雨玄寺即道觀也泥人即祈雨土人也矯首鶴立言望雨不至也闕里舊註皆於廣川無所取義當闕

疑修之歷旬靜無徵效

祈雨不降

明勸教之術非致雨之

備也知恤下民躬自暴露拜起靈壇勤亦至矣

暴露謂身

立日中也靈壇祈雨壇也

昔夏禹之解陽盱殷湯之禱桑林言未

發而水旋流辭未卒而澤滂沛今者雲重積而復散

雨垂落而復收得無賢聖殊品優劣異姿割髮寗及

膚翦爪宜侵肌乎湯身禱於桑林剪其髮剝其手自以為犧用祈福於上帝雨大至

周正殷而年豐衛伐邢而致雨善否之應甚於影響

未可以為不然也

左傳衛人伐邢於是衛大旱甯莊曰昔周饑克殷而年豐今邢方無

道諸侯無伯天其或者欲使衛討邢乎從之師興而雨

想雅思所未及謹書起

予應璩白



○與從弟君苗君胄書

此書言欲歸田故報二從弟

應璩

璩報間者北游喜歡無量登岱濟河曠若發矇

北落

也風伯掃塗雨師灑道按轡清路周望山野亦既至

止酌彼春酒

言至其所止之處則酌春酒

接武茅茨涼過大夏

上堂

接武武跡也屋以草蓋曰茨大夏大屋也言相與接行跡於茅茨之室其清涼已過大厦也

扶寸

肴修味踰方丈

四指為扶扶音膚肴肉也修脯也言肉脯雖少味過方丈之食也

逍

遙陂塘之上吟詠苑柳之下結春芳以崇佩折若華

以翳日

春芳春日之花草也若木在崑崙言折取若木之華以拂日使之還却也

戈下高

雲之烏餌出深淵之魚蒲且

子餘

讚善便嬛

一緣

稱妙何

其樂哉

蒲且古之善射人便嬛古之善釣者

雖仲尼忘味於虞韶楚人

流通於京臺無以過也班嗣之書信不虛矣

漢書桓生欲借

書班嗣報曰漁釣一壑則萬物不奸其志栖遲一丘則天下不易其樂

來還京都塊然

獨處營宅濱洛困於囂塵

濱近也

思樂汶上發於寤寐

汶上用閔子騫則吾必在汶上事言不仕也

昔伊尹輟耕郢

質

憚投竿思

致君於有虞濟蒸人於塗炭而吾方欲秉耒耜於山

陽沈鉤緝

旻

於丹水知其不如古人遠矣

東觀漢記郢憚字君

章汝南人也鄭次都隱於弋陽山中憚即去從次都正漁釣甚娛畱數十日憚喟然歎曰天生俊士以爲



民也鳥獸不可與同羣子從我爲伊尹乎將爲許巢  
而去堯舜也次都曰吾年耄矣安得從子子勉正性  
命勿勞神以害生告別而去憚客於江夏郡舉孝廉  
爲郎秉執也耒耜農器也山陽縣名鉤緡並取魚物  
丹水然山父不貪天下之樂曾參不慕晉楚之富亦  
水名

其志也

山父許田也堯太其志欲禪爲天子由曰敬  
髮優游非以貪天下爲樂曾參云晉楚之富

不可及也彼以富我以  
吾仁彼以爵我以吾義

前者邑人念弟無已欲令州

郡崇禮授邑誠美意也歷觀前後來入軍府至有皓

首猶未遇也徒有饑寒駿奔之勞俟河之清人壽幾

何

左傳子駟曰周詩有之日俟河之清人壽幾何言  
何人壽有限而黃河千年一清聖人乃出焉何可待

也且宦無金張之援游無子孟之資而圖富貴之榮

望殊異之寵是隴西之游越人之射耳

金金日碑也張張安世也

子孟霍光字也淮南子云隴西之游愈躁而愈沉言其志欲疾而益沉也越人學遠射仰天而發矢矢在五步之內言游宦無援而謀富貴亦如欲疾而沈射遠而近也幸賴先君之靈免負

擔之勤追蹤丈人畜鷄種黍

子路遇丈人殺雞爲黍而食之言追蹤此丈人

乃養鷄種黍以爲田家事

潛精墳籍立身揚名斯爲可矣無或游

言以增邑邑

游浮也邑邑失志貌

郊牧之田宜以爲意

邑外曰郊周禮

有牧田謂負郭田也

廣開土宇吾將老焉劉杜二生想數往來

朱明之期已復至矣

劉杜璩友也朱明夏節也

相見在近不復爲

言慎夏自愛

慎夏熱之氣以自保愛

璩報



○與山巨源絕交書

山濤為選曹舉康自代康答書拒絕因自說不堪流俗而

非薄湯武大將軍聞而惡焉

嵇康

康白足下昔稱吾於潁川吾常謂之知言

山嶽為潁川太守時

山濤謂嶽云康性行不堪職任與康意合故以為知言

然經怪此意尚未熟悉

於足下何從便得之也

經常也

前年從河東還顯宗阿

都說足下議以吾自代

公孫崇字顯宗為尚書郎阿都呂仲悌也康與呂長悌絕

交書日少知阿都每喜足下家復有此弟

事雖不行知足下故不知之

不行

謂不許也不知謂不悉我情也

足下旁通多可而少怪

旁通謂博通也多可言多

許可也少怪謂少有責於人言寬容也

吾直性狹中多所不堪偶與足

下相知耳

狹中謂不能容人也

間聞足下遷惕然不喜恐足下

羞庖人之獨割引尸祝以自助

莊子曰庖人雖不治庖尸祝不越樽俎而

伐之間頃也遷謂為大司馬也惕懼也庖人割牲體之人也尸主也祝謂祭時讀辭之人也言恐山濤羞

為獨割引我以為助也

手薦鸞刀湯

平

之羶腥

毛詩曰執其鸞刀以啓其毛莊

子北人無擇曰帝欲以辱行漫我薦進也鸞刀上鈴也漫汗也

故具為足下陳其可

否吾昔讀書得并介之人或謂無之今乃信其真有

耳

并謂兼利天下也介謂孤介自守也言我昔讀書得古人有如此者或謂無之今信有耳謂濤兼利

而已自守也

性有所不堪真不可强今空語同知有達人



無所不堪外不殊俗而內不失正與一世同其波流

而悔吝不生耳同知言共事相知者也今世有通達之人跡能同俗而心不失正與時同

流而悔吝不生者非已所能也老子莊周吾之師也親居賤職柳下

惠東方朔達人也安乎卑位吾豈敢短之哉老子為柱下史

莊子為漆園吏故言賤職柳下惠為士師又仲尼兼東方朔為侍郎故言卑位短之猶非之也

愛不羞執鞭子文無欲卿相而三登令尹是乃君子

思濟物之意也莊子仲尼謂老聃曰兼愛無私仁之情也所謂達能兼善

而不淪窮則自得而無悶以此觀之故堯舜之君世

許由之巖棲子房之佐漢接輿之行歌其揆一也仰

瞻數君可謂能遂其志者也故君子百行殊塗而同

致循性而動各附所安

君子之行所趣各殊而同歸順性俱得所安也

故有

處朝廷而不出入山林而不反之論

班固漢書贊曰山林之士往而

不能反朝廷之士入而不能出二者各有所短

且延陵高子臧之風長卿慕

相如之節志氣所託不可奪也

吳將士季札季札辭曰札雖不才願附子

臧以無失節史記司馬相如字長卿其親名之犬子相如既學慕蘭相如之為人更名相如言此二人志

氣所寄亦不可移奪

吾每讀尚子平臺孝威傳慨然慕之想其

為人

漢書向子平隱居不仕性尚中和好通老易尚亦作向臺佟者字孝威隱於武安山鑿穴為居

採藥為業

少加孤露母兄見驕不涉經學性復踈懶筋驚



肉緩

筋駕謂寬緩若駕馬也

頭面常一月十五日不洗不大悶

癢不能沐也每常小便而忍不起令胞中略轉乃起

耳又縱逸來久情意傲散簡與禮相背懶與慊相成

而為儕類見寬不攻其過又讀莊老重增其放故使

榮進之心日積任實之情轉篤此由禽鹿少見馴育

則服從教制長而見羈則狂顧頓纓赴蹈湯火

任實謂用

本情也禽鹿之性制之於少則易及其既長即不可強

雖飾以金鑣饗以嘉肴

逾思長林而志在豐草也

鑣馬銜也肴俎實也蓋言少自寬縱長見羈束雖有

榮祿終思遁逸

阮嗣宗口不論人過吾每師之而未能及至

性過人與物無傷唯飲酒過差耳至為禮法之士所

繩疾之如讐幸賴大將軍保持之耳

禮法之士謂何曾也阮籍在司

馬大將軍坐時居母喪飲酒食肉曾曰卿任性放蕩敗禮傷教宜投之四裔大將軍曰此子素羸卿其恐

之以不如嗣宗之資而有慢弛之闕又不識人情闇

於機宜無萬石之慎而有好盡之累

萬石父子皆以謹慎著名無萬

石之慎言放縱也好盡謂好盡言以招人過也

久與事接疵釁日興雖欲無

患其可得乎又人倫有禮朝廷有法自唯至熟有必

不堪者七甚不可者二臥喜晚起而當關呼之不置

一不堪也

漢置當關之職欲曉即至門呼人使起言康欲晚起不堪為吏所呼也

抱琴



行吟弋釣草野而吏卒守之不得妄動二不堪也危

坐一時痺不得搖性復多蝨

瑟

把

蒲巴

搔無已而當褻

以章服揖拜上官三不堪也

痺濕痛也  
俾利切

素不便書不

喜作書而人間多事堆案盈机不相酬答則犯教傷

義欲自勉強則不能久四不堪也

机亦案也

不喜弔喪而

人道以此爲重已爲未見恕者所怨至欲見中傷者

雖瞿然自責然性不可化

漢書惠帝贊曰聞叔孫通之諫則瞿然瞿音句

欲

降心順俗則詭故不情亦終不能獲無咎無譽如此

五不堪也不喜俗人而當與之共事或賓客盈坐鳴

聲聒耳囂塵臭處千變百伎在人目前六不堪也

言與

流俗同事則不奈此喧聒塵臭伎巧

心不奈煩而官事鞅掌機務纏其

心世故繁其慮七不堪也

鞅掌衆多貌

又每非湯武而薄

周孔在人間不止此事會顯世教所不容

言若當官身顯則爲

世教所排也

此甚不可一也剛腸疾惡輕肆直言遇事便

發此甚不可二也以促中小心之性統此九患不有

外難當有內病寧可久處人間邪

促狹隘也九患謂上七不堪二不可

又聞道士遺言餌朮黃精令人久壽意甚信之游山

澤觀魚鳥心甚樂之一行作吏此事便廢安能舍其



所樂而從其所懼哉夫人之相知貴識其天性因而

濟之禹不偏伯成子高全其節也

莊子曰堯治天下伯成子高立為諸

侯堯授舜舜受禹伯成子高辭為諸侯而耕禹往見之則耕在野禹趨就下風而問焉子高曰昔堯治天下不賞而民勸不罰而民畏今則賞罰而民且不仁德自此衰刑自此立後世之亂自此始矣耕而不顧

仲尼不假蓋於子夏護其短也

孔子將出而天雨門人曰商有蓋請假焉

孔子曰商為人短於財吾聞與人交者推長而違短故久吾非不知商有蓋恐不借而彰其過也護掩也

近諸葛孔明不偏元直以入蜀

徐庶字元直為曹操所追庶母見獲庶辭

昭烈遂詣操令言孔明以孔明與昭烈意合也

華子魚不强幼安以卿相

華歆

字子魚管寧字幼安歆舉寧寧遂將家屬浮海還郡詔寧為太中大夫固辭不受

此可謂能

相終始真相知者也足下見直木不可以爲輪曲者

不可以爲桷蓋不欲以枉其天才令得其所也故四

民有業各以得志爲樂

桷椽也莊子曰士農工商四民者國之石民也

唯達

者爲能通之此足下度內耳不可自見好章甫強越

人以文冕也

越人斷髮文身不用章甫言不可因已之好章甫而強之使同也

已嗜

臭腐養鴛雛以死鼠也

此用莊子鴟得腐鼠而嚇鴛雛事言豈可律以已之嗜臭

爛而以死鼠養之哉

吾頃學養生之術方外榮華去滋味游心

於寂漠以無爲爲貴縱無九患尙不顧足下所好者

足下所好容華也

又有心悶疾頃轉增篤私意自試必不能



堪其所不樂自卜已審若道盡塗窮則已耳足下無  
事寃之令轉於溝壑也吾新失母兄之歡意常悽切  
女年十三男年八歲未及成人况復多病顧此悵悵  
力如何可言今願守陋巷教養子孫時與親舊敘闊  
向陳說平生濁酒一杯彈琴一曲志願畢矣足下若黜  
之不置不過欲爲官得人以益時用耳足下舊知吾  
潦倒龕疎不切事情自惟亦皆不如今日之賢能也  
若以俗人皆喜榮華獨能離之以此爲快此最近之  
可得言耳

黜擿也音義與嬈同子言俗人皆喜華  
華我獨以離榮爲快此最近我情可得言

耳然使長才廣度無所不淹而能不管乃可貴耳若  
吾多病困欲離事自全以保餘年此真所乏耳豈可  
見黃門而稱貞哉若趣欲共登王塗期於相致時爲  
權益一旦迫之必發其狂疾自非重怨不至於此也  
黃門閹人也本絕陽道豈是  
貞哉趣急也王塗仕路也  
野人有快炙背而美芹

子者欲獻之至尊雖有區區之意亦已疏矣

列子曰宋國有

田父常衣濕麕至春自暴於日當爾時不知有廣夏  
與室綿纈狐貉顧謂其妻曰負日之暄人莫知之以  
獻吾君將有賞也其室告之曰昔人有美戎菽甘枲  
莖芹萍子對鄉豪稱之鄉豪取嘗之苦於口躁於腹  
衆晒之  
願足下勿似之其意如此既以解足下并以爲



別稿康白

水邊集註

卷九

田部

卷三

卷之九

九

能



○爲石仲容與孫皓書

石苞字仲容太祖遣徐劭孫郁入吳都督揚州諸軍

事石苞令孫楚作書與孫皓至吳不敢爲通

孫楚

苞白蓋聞見幾而作周易所貴小不事大春秋所誅

周易介于石傳曰君子見幾而作不俟終日左傳楚子伐鄭子展曰小所以事大信也小國無信兵亂日至亡無此乃吉凶之萌兆榮辱之所由興也是故許

鄭以銜璧全國曹譚以無禮取滅

左傳楚子圍許蔡侯將許僖公見楚

子於武城許男面縛銜璧楚子問諸逢伯對曰昔武王克殷微子啓如是王親釋其縛禮而命之使復其所楚子從之又楚子圍鄭克之鄭伯肉袒牽羊於楚以逆王曰其君能下人退三十里而許之平故云全

國晉公子重耳奔狄及曹曹共公聞其駢脅欲觀其  
褻浴薄而觀之及卽位晉侯圍曹又齊桓公之出也  
過譚譚不禮焉及其入也諸侯皆賀譚又不至冬齊  
師滅譚譚無禮也鄭伯非銜璧然以同降故連用之

載籍既記其成敗古今又著其愚智矣不復廣引譬

類崇飾浮辭苟以夸大爲名更喪忠告之實今麓論

事勢以相覺悟昔炎精幽昧曆數將終

漢火德故云炎精幽昧謂

暗也

桓靈失德災釁並興豺狼抗爪牙之毒生人陷塗

炭之艱

桓靈漢二帝也

於是九州絕貫皇綱解組

貫穿也絕貫斷絕也

四海蕭條非復漢有太祖承運神武應期

太祖魏武帝操也

征討暴亂克寧區夏協建靈符天命既集遂廓洪基



奄有魏域土則神州中岳器則九鼎猶存

神州洛陽也中岳嵩

也

世載淑美重光相襲故知四隩之攸同天下之壯

觀也

載則也重光謂文帝不也襲因也

公孫淵承籍父兄世居東裔

魏志公孫度知中國擾攘自立為遼東侯度死子康嗣康死子晃淵等皆小眾立兄子恭為遼東太守淵

脅奪恭位景初元年徵淵淵遂發兵自立為燕王

擁帶燕胡馮陵險遠講武

盤桓不供職貢

馮陵依憑也盤桓不進貌言恃險遠不脩職貢也周禮制其職各以其所

能制其貢各以其所有

內傲帝命外通南國乘桴滄流交酬貨

賄葛越布於朔土貂馬延乎吳會

南國吳也編木濟水曰桴酬報也葛

越草布也出於吳貂馬產於遼言公孫淵與孫權以方物相連結也

自以為控弦十萬

奔走足用信能左折燕齊左振扶桑陵轢沙漠南面

稱王

控絃引弓之士也燕齊二國在遼西故云右折扶桑在海東故云左振轢踐也言淵恃此威力

故以南面自尊

宣王薄伐猛銳長驅

宣王司馬懿也

師次遼陽而城

池不守桴鼓一震而元凶折首

遼東郡有遼陽縣左傳援桴而鼓周易有

嘉折首獲匪其醜次至也不守謂不能堅守也

然後遠跡疆場

亦

列郡大荒

疆場邊也言魏斬公孫淵乃遠開邊疆置郡邑於大荒也

收離聚散咸安其居民

庶悅服殊俗欵附

言皆送欵誠附魏國

自茲遂隆九野清泰

九野

八方中

東夷獻其樂器肅慎貢其楛矢曠世不羈應

化而至

後漢書東夷自少康以後世服王化獻其樂舞魏志景元三年肅慎國遣使重譯來貢弓



矢石魏魏蕩蕩想所具聞  
言帝德廣遠想孫皓當已聞之  
吳之先主

起自荊州遭時擾攘播潛江表  
孫堅舉兵荊州引軍還住魯陽  
劉備

震懼亦逃巴岷  
巴岷蜀二山名  
遂依丘陵積石之固三江五

湖浩汗無涯假氣遊蒐迄于四紀  
固言吳蜀恃此山水假息遊蒐也迄

至也十二  
二邦合從子容東西唱和互相扇動距捍中

國自謂三分鼎足之勢可與泰山共相終始  
二邦吳蜀也言

相合扇動併力以禦中國自謂與中國為鼎足之形持久可與泰山齊其終始  
相國晉王輔

相帝室文武桓桓志厲秋霜  
咸熙元年進晉公爵為王輔佐也桓桓武貌

廟勝之筭應變無窮獨見之鑒與眾絕慮  
鑒明也言謀慮絕於

衆人也

主上欽明委以萬機長轡遠御妙略潛授偏師

同心上下用力稜威奮伐采入其阻

毛詩采入其阻采深也音彌入

阻謂入蜀險阻也

并敵一向奪其膽氣

兵法并敵一向于里殺將

小戰江

介則成都自潰曜兵劍閣而姜維面縛

魏志景元四年鄧艾鍾會

伐蜀艾自陰平先登至江介西蜀衛將軍諸葛瞻列陣待艾遣子忠等大破之斬瞻進軍到維會從斜谷駱谷入平行至漢中姜維守劍閣距會

劉禪請艾降勒維等令降於會維請會降

開地五千

列郡三十師不踰時梁益肅清

平蜀之後置郡三十梁益二州名

使

竊號之雄稽顙絳闕

竊號之雄謂劉禪也絳闕魏闕門也

球琳重錦充

於府庫

球琳玉各重錦美錦也

夫號滅虞亾韓并魏徙此皆前



鑒之驗後事之師也

晉滅魏次及於虞秦并韓而魏徙居大梁言蜀滅吳亦為次也

又南中呂興深觀天命蟬蛻內向願為臣妾

南中嶺南也交

趾郡吏呂興殺太守孫諸使如魏請太守及兵蟬蛻言如蟬之蛻殼也

外失輔車唇齒

之援內有毛羽零落之漸而徘徊危國冀延日月

宮之

奇曰諺所謂輔車相依唇亡齒寒輔面頰也車盤牙也輔車唇齒一意舊註作陪乘可笑外失謂蜀亡也

內漸謂呂興叛吳降魏亦如鳥之毛羽零落也

此猶魏武侯却指河山以自

強大殊不知物有興亡則所美非其地也

魏武侯浮西河而下

中流顧謂吳起曰美哉山河之固此魏之寶也吳起曰在德不在險若君不修德則舟中之人盡為敵國也武侯曰善此言吳王恃險方今百僚濟濟儻又盈

朝虎臣武將折衝萬里國富兵疆六軍精練思復翰

飛飲馬南海

將伐吳故云飲馬南海

自頃國家整治器械修造

舟楫簡習水戰伐樹北山則太行木盡

太行木盡大修舟楫也

濬決河洛則百川通流樓船萬艘千里相望

濬深也樓船船

之高者艘船之總名

自剡木以來舟車之用未有如今日之盛

者也

周易黃帝堯舜剡木為舟

驍勇百萬畜力待時役不再舉今

日之謂

畜養也役不再舉謂一伐必平也

然主上眷眷未便電邁者

以為愛民治國道家所尚

眷眷廻顧貌電邁言急也

崇城遂卑文

王退舍

左傳子魚言於宋公曰文王聞崇侯德亂而伐之軍三旬而不降退修教而復伐之因壘



而隆舍止也

故先開示大信喻以存亾殷勤之旨徃使所

究若能審識安危自求多福

究盡也

蹙然改容祇承徃

告

漢書尉陀蹙然起坐稱臣奉漢約蹙然驚起貌言能改尊倨之容敬承所徃之書也

追慕南

越嬰齊入侍

漢書南越王胡立天子使嚴助徃諭意南越王胡遣其子嬰齊入侍宿衛

北

面稱臣伏聽告策則世祚江表永爲藩輔豐報顯賞

隆於今日矣若侮慢不式王命然後謀力雲合指麾

風從

豐多也言能臣伏則多報明賞盛於常日式用也言若輕慢不用魏之教令謀臣武士當雲合

風從而討之

雍益二州順流而東青徐戰士列江而西荆

揚兗豫爭驅八衝征東甲卒虎步秣陵

雍益青徐荆揚兗豫並州

名征東將軍石苞自謂也秣陵吳郡各此說征討之勢以脅之也

爾乃皇輿整駕六

師徐征羽校燭日旌旗流星

羽鳥羽也漢書高祖曰吾以羽檄徵天下兵燭

日謂赤羽耀日也旌旗上畫星辰故云流星

游龍曜路歌吹盈耳

周禮凡馬八尺

為龍曜路盈耳騎樂之盛也

上卒奔邁其會如林

邁行也如林言多也

煙塵

俱起震天駭地渴賞之士鋒鏑爭先忽然一旦身首

橫分宗祀屠覆取誠萬世引領南望良以寒心

渴賞謂貪

賞也

夫治膏盲者必進苦口之藥決狐疑者必告逆耳

之言

膏心下也育膈上也病在膏育危病也言治此病必須服苦口之藥也狐疑不定也逆耳謂忤

聽之言

如其迷謬未知所投恐俞附見其已困扁鵲知



其無功也

投歸也俞附扁鵲皆古之良醫也言吳有危亡之疾今用我言而歸服是猶可療也

若傲慢恃險不即從化則猶疾入骨髓雖欲思療亦無功矣

勉思良圖惟所去就

石苞白

文選集言

卷九

全



○與嵇茂齊書

趙至

至字景真代郡人後向遼西占戶焉初與嵇康兄子蕃友善至是將遠適乃作

此書與蕃敘離舊本因安白故疑呂安與叔夜而其家諱作景真今據晉書至本傳

合作至故

并作至白

至白昔李叟人秦及關而歎梁生適越登岳長謠

李叟

老聃也梁生梁鴻也歎謂楊朱不可教也謠謂五噫之歌也要之歎不爲入秦謠不由適越蓋取意而畧

文也夫以嘉遁之舉猶懷戀恨况乎不得已者哉

嘉遁謂老

子梁鴻也戀恨謂歎及謠也不得已謂被遷也

惟別之後離羣獨遊背榮宴

辭倫好經迥路涉沙漠鳴鷄戒旦則飄爾晨征日薄

西山則馬首靡託

薄近也言日沒時馬首尚無所託也

尋歷曲阻則沈

思紆結乘高遠眺則山川悠隔或乃迴飈狂厲白日

寢光崎嶇交錯陵隰相望徘徊九皋之內慷慨重阜

之巔進無所依退無所據涉澤求蹊披榛覓路嘯詠

溝渠良不可度斯亦行路之艱難然非吾心之所懼

也

蹊徑也榛密林也言雖艱難吾所不懼其所懼者皆以下之事

至若蘭茝傾頓桂

林移植根萌未樹牙淺絃急常恐風波潛駭危機密

發斯所以怵惕於長衢按轡而歎息者也

蘭茝香草也桂林香

木也以喻君子傾頓移植自謂也根萌未樹謂危也牙弩牙也絃弓絃也言風波急則根易傾牙淺絃急



則機易發此諭讒邪為中正又北土之性難以託根

之風弩也怵陽驚貌衛道也  
投人夜光鮮不按劍今將植橘柚於玄朔帶華藕於

修陵表龍章於裸壤奏韶武於輦俗固難以取貴矣

橘柚生於南方玄朔北地也華藕蓮也生於水脩陵

高阜也龍章袞龍之服也裸壤不衣之國也韶舜樂

武武王樂也輦俗不貴音者也言夫物不我貴則莫

此四者各適其宜故難以為美也  
之與莫之與則傷之者至矣飄飄遠游之士託身無

人之鄉總轡遐路則有前言之艱懸鞍陋宇則有後

慮之戒  
前言之艱謂經迥路以下也後慮之戒謂北土難託根以下也懸鞍懸車也  
朝霞

啓暉則身疲於遄征  
啓暉謂明也遄速也  
太陽戢曜則情劬於

夕惕

太陽日也戢斂也斂曜謂夜也夕惕至晚而尚曜也

肆目平隰則遼廓而

無覩極聽修原則淹寂而無聞吁其悲矣心傷悴矣

然後乃知步驟之士不足為貴也若乃顧影中原憤

氣雲踊哀物悼世激情風烈龍睇大野虎嘯六合猛

氣紛紜雄心四據

步驟謂驅馳行役之人也

思躡雲梯橫奮八極

披艱掃穢蕩海夷岳

言將掃凶惡也

蹴崑崙使西倒蹋太山

令東覆平滌九區恢廓宇宙斯亦吾之鄙願也

崑崙太山

喻權臣也滌除也九區九州也恢大也

時不我與垂翼遠逝鋒鉅靡加

翅翮摧屈自非知命誰能不憤悒者哉

鉅鏑也言不加鋒鏑而六



翻自屈也

吾子植根芳苑擢秀清流布葉華崖飛藻雲肆

喻嵇康承家世志潔清也藻文也肆當是居肆之肆舊註作布與上文義不協

俯據潛龍之

淵仰蔭棲鳳之林榮曜眩其前艷色餌其後良儔交

其左聲名馳其右翺翔倫黨之間弄姿帷房之裏從

容顧眄綽有餘裕俯仰吟嘯自以爲得志矣豈能與

吾同大丈夫之憂樂者哉去矣嵇生永離隔矣晄晄

飄寄臨沙漠矣悠悠三千路難涉矣攜手之期邈無

日矣思心彌結誰云釋矣無金玉爾音而有遐心

毛詩

言我思爾金玉之音無能聞之使我徒有遠心相望也

身雖胡越意存斷金

胡在

北越在南言相去遠也周易曰二人同心其利斷金言金雖堅剛人同其心則能斷之各敬爾

儀敦履璞沈繁華流蕩君子弗欽臨書悵然知復何

云勉之以純朴而戒其浮華也弗欽言不敢也恨不平貌何云言事既爾何所言也



○與陳伯之書

梁平南將軍陳伯之初仕齊齊東昏侯遣伯之將兵拒梁武伯之知

勢屈乃降梁至是又以衆降魏故帝使丘遲與之書

丘遲

遲頓首陳將軍足下無恙幸甚幸甚將軍勇冠三軍

才為世出棄燕雀之小志慕鴻鵠以高翔

棄小志謂背齊也慕

高翔謂歸梁也

昔因機變化遭遇明主

謂背齊歸梁也

立功立事開

國稱孤

開國謂為江州刺史也同侯王例故稱孤

朱輪翠轂擁旄萬里何

其壯也如何一旦為奔亡之虜聞鳴鏑而股戰對穹

廬以屈膝又何劣耶

奔亡之虜謂降魏也股戰也穹廬擅帳也魏本匈奴故曰穹廬

尋君去就之際非有他故直以不能內審諸已外受  
流言沈迷猖獗以至於此聖朝赦罪責功棄瑕錄用  
推赤心於天下安反側於萬物此將軍之所知不假  
僕一二談也朱鮪涉血于友于張繡割刃於愛子漢  
主不以爲疑魏君待之若舊

後漢書光武攻洛陽朱鮪守之曰大司徒公被

害鮪與謀自知罪深不敢降上謂建大事不忌小怨  
今降官爵可保况誅罰乎殺人流血曰涉友于以演  
爲光武兄也魏王曹操與張繡戰於宛長子昂以繡  
流矢所中繡後降曹仍封爲侯刺插也刃箭鏃也

况將軍無昔人之罪而勲重於當世

昔人之罪謂朱鮪張繡殺兄子

之罪也

夫迷塗知反徃哲是與不遠而復先典攸高

易



不遠復

主上屈法申恩吞舟是漏

法網之疎漏吞舟之魚言輕法而重

恩也

將軍松栢不翦親戚安居

松栢不翦謂不毀其先代墳墓也

高臺

未傾愛妾尚在

言宅宇幸妾皆未追沒也

悠悠爾心亦何可言今

功臣名將鴈行有序佩紫懷黃讚帷幄之謀乘軺建

節奉疆場之任

鴈飛成行列有尊卑之序故以此焉金印紫綬列侯之飾軺使車也節旌

節也疆場邊睡也

並刑馬作誓傳之子孫

刑殺也諸侯會盟取白馬之血飲之

以為誓永傳國於子孫也

將軍獨覲顏借命驅馳擅裘之長寧不

哀哉

覲強也謂假借少時之命而為夷狄驅馳也長指魏君也

夫以慕容超之強

身送東市姚泓之盛面縛西都

慕容超大掠淮北劉裕表請北伐遂屠廣

固超踰城走高胥獲之送京師斬於建康市裕以舟師進討至洛陽王鎮惡剋長安斬姚泓

故知

霜露所均不育異類姬漢舊邦無取雜種

姬周姓也成王光武

皆都洛陽故云舊邦

北虜僭盜中原多歷年所惡積禍盈理至

焦爛

北虜謂魏也

况偽嬖昏狡自相夷戮

梁武之初當宣武之日偽嬖蓋

指宣武也

部落攜離酋豪猜貳方當繫頸蠻邸懸首藁街

羗胡名大帥為酋攜離也貳二心也蠻邸藁街皆置蠻夷之館

而將軍魚游於沸鼎

之中燕巢於飛幕之上不亦惑乎

言魏朝夕將破而將軍居其國同魚

燕之危也

暮春三月江南草長雜花生樹羣鶯亂飛見故

國之旗鼓感生平於疇日撫絃登俾豈不愴恨

北至寒故



以江南物色之美感動之旗鼓昔所用也疇日所以  
昔日也絃弓也陴城上女牆也愴悵悲悵也

廉公之思趙將吳子之泣西河人之情也將軍獨無

情哉

史記廉頗為趙將奔魏久之思復用於趙呂氏春秋吳起治西河王錯譖之魏武侯武侯使人

召吳起至岸門止車而立望西河而泣其僕曰竊觀公之志視天下若舍履今去西河而泣何也吳起雪

泣應之曰子弗識也君誠知我而使我畢能秦必亡西河今君聽讒人之議不知我西河之為秦不久矣

起入荆西想早勵良規自求多福當今皇帝盛明天

下安樂

皇帝梁武帝也

白環西獻楷矢東來

世本曰舜時西王母獻白環及

佩家語武王克商

夜郎滇池解辨請職朝鮮昌海蹶

肅慎氏貢楷矢

角受化

夜郎滇池皆南夷國名解辨謂解其辨髮以就衣冠朝鮮遠國名昌海南海也蹶角謂以

額角叩地也

唯北狄野心掘強沙塞之間欲延歲月之命

耳

北狄謂魏也

中軍臨川殿下明德茂親總茲戎重

天監四年

詔臨川王宏北討殿下者不斥言王也茂親謂帝弟也

弔民洛汭伐罪秦中

北洛

日汭秦中關中也

若遂不改方思僕言聊布往懷君其詳之

丘遲頓首

謂君因此書不改後必困能方思我言也



○重答劉秣陵沼書

梁典劉沼字明信為秣陵令

劉峻

峻字孝標初以仕不得志作辨命論秣陵令劉沼作書難之言不由命由人行

之書答往來非一其後沼作書未出而死有人於沼家得書以示孝標孝標乃作此書答之故云重然書不及辨難而但寓存歿之感不知何以言答也

劉侯既重有斯難值余有天倫之戚竟未之致也

謂難

沼難辨命之論也天倫之戚謂兄弟死也致至也謂沼難書竟未至孝標處也

尋而此君長

逝化為異物緒言餘論蘊而莫傳

長逝謂死也緒遺也

或有自

其家得而示余者余悲其音徽未沫而其人已亾

美徽

也沫滅也

青簡尚新宿草將列

青簡竹簡也古無紙用以為書宿草陳根也列行列

也謂墓草

將陳也

泫然不知涕之無從也

孔子之衛遇舊館人之喪入而哭之

遇一哀而出涕曰予惡夫涕之無從也泫然淚流貌

雖隙駟不留尺波電謝而

秋菊春蘭英華靡絕

隙穴也駟馬馳而過穴喻速也波電波與電光皆不久停言人

命如之菊蘭言文章之美靡絕尚存也

故存其梗槩更酬其旨

梗槩籠略也酬

報也若使墨翟之言無爽宣室之談有徵

墨子曰昔周宣王殺其臣

杜伯而不辜杜伯曰吾君殺我而不辜若以死者為

無知則止矣若死而有知不出三年必使君知之期

三年周宣王合諸侯而田於圃日中杜伯乘白馬素

車朱衣冠執朱弓挾朱矢追宣王射之中心折脊伏

漉而死漢書文帝受釐宣室因感鬼神事問賈誼誼

具道所以然之故爽差也徵驗也言二人說鬼神事

有實則我

冀東平之樹望咸陽而西靡蓋山之泉聞

可答書也



絃歌而赴節

聖賢冢墓記曰東平思王冢在東平無鹽人傳云王思歸國京師後葬其冢上

松栢西靡宣城記曰臨城縣南蓋山有舒姑泉昔有舒氏女與其父析薪此泉處坐牽挽不動乃還告家比還唯見清泉湛然女毋曰吾女本好樂音乃絃歌泉涌廻流有朱鯉一隻今作樂嬉戲泉故涌出也

但懸劍空隴有恨如何

延陵季子將聘晉帶寶劍以過徐君徐君欲之季子爲有

上國之事未獻也然心許之矣反則徐君已死於是劍挂其墓樹而去

金

卧

果

且

丑

丑

蘇



○移書讓太常博士

并序讓責也太常用之亦作也博廣大也識用廣大謂之

博士

劉歆

歆字子駿向少子也少通詩書能屬文為黃門侍郎至中壘校尉

歆親近欲建立左氏春秋及毛詩逸禮古文尚書皆

列於學官

歆為光祿大夫故云親近建立也逸失也四經漢初已來皆不置博士歆欲立學官

而習之

哀帝令歆與五經博士講論其議諸儒博士或

不肯置對

言諸博士不肯與歆論議相對也

歆因移書太常博士責

讓之曰

昔唐虞既衰而三代迭興聖帝明王累起相襲其道

甚著周室既微而禮樂不正道之難全也如此是故孔子憂道不行歷國應聘自衛反魯然後樂正雅頌乃得其所修易序書制作春秋以記帝王之道及夫子沒而微言絕七十子卒而大義乖

大義謂詩書禮樂之義也

重

遭戰國棄籩豆之禮理軍旅之陣孔氏之道抑而孫

吳之術興

孔子之道詩書禮樂也孫子吳起並著兵法行於世

陵夷至于暴秦

焚經書殺儒士設挾書之法行是古之罪道術由此

遂滅

是古之罪謂以古非今者族

漢興去聖帝明王遐遠仲尼之

道又絕法度無所因襲時獨有一叔孫通略定禮儀



天下唯有易卜未有他書至於孝惠之世乃除挾書

之律然公卿大臣絳灌之屬咸介冑武夫莫以為意

周勃封絳侯灌灌嬰也

至孝文皇帝始使掌故晁錯從伏生受

尚書

掌故官名伏生秦博士也生於壁中藏得尚書教於齊魯之間文帝使晁錯往受之

尚書

初出於屋壁朽折散絕

古書以竹簡寫用繩運之故云朽折散絕

今其書

見在時師傳讀而已詩始萌芽天下眾書往往頗出

皆諸子傳說猶廣立於學官為置博士在朝之儒唯

賈生而已

萌芽謂初始也眾書謂禮公羊春秋諸子孔子弟子學官博士也賈誼為文帝博士

至孝武皇帝然後鄒魯梁趙頗有詩禮春秋先師皆

出於建元之間

建元孝武年號也鄒人慶忌受詩於浮丘伯梁人戴德受禮於后蒼賈誼

為訓詁授於趙人貫公先師謂前進者

當此之時一人不能獨盡其經

或為雅或為頌相合而成

成一經也雅頌皆詩也雅以正事頌以讚事

秦

誓後得博士集而讚之

孝武末有人得秦誓書於壁中者獻之於博士使讚說之

因傳以教今秦誓篇是也

故詔書曰禮壞樂崩書缺簡脫朕甚閔

焉

武帝詔也

時漢興已七八十年離於全經固以遠矣

漢與

秦相去七八十年全經未焚書之時也

及魯恭王壞孔子宅欲以為宮

而得古文於壞壁之中逸禮有三十九篇書十六篇

天漢之後孔安國獻之遭巫蠱倉卒之難未及施行



孔安國者孔子後也天漢武帝年號及春秋左氏丘明所修皆古文舊

書多者二十餘通藏於秘府伏而未發孝成帝愍學

殘文缺稍離其真乃陳發秘藏校理舊文得此三事

以考學官所傳經或脫簡傳或脫編稍漸也言漸鍊落頗離真也校

考也舊文古文也三事即尚書左傳逸禮也編比次也博問人間則有魯國桓

公趙國貫公膠東庸生之遺學與此同抑而未施此

乃有識者之所歎慙士君子之所嗟痛也皆惜其不施行也

往者綴學之士不思廢絕之闕苟因陋就寡分文析

字煩言碎辭學者罷老且不能究其一藝信口說而

背傳記是末師而非往古至於國家將有大事若立

辟雍封禪巡狩之儀則幽冥而莫知其原猶欲保殘

守缺挾恐見破之私意而亾從善服義之公心

殘缺非古

文也恐見破恐立學官破其先師文義也亡無也

或懷疾妬不考情實雷同

相從隨聲是非

雷同如雷之發聲同時而應是非相同不別善惡也

抑此三學

以尚書爲不備謂左氏不傳春秋豈不哀哉

抑止也謂劉歆

欲立者當時尚書唯有二十八篇以爲備矣不知有百篇謂左氏傳別行不傳春秋

今聖上德

通神明繼統揚業亦愍此文敎錯亂學士若茲雖深

照其情猶依違謙讓樂與士君子同之故下明詔試



左氏可立不遣近臣奉旨銜命將以輔弱扶微與二三君子比意用力冀得廢遺今則不然深閉固距而不肯試猥以不誦絕之欲以杜塞餘道絕滅微學夫可與樂成難與慮始此乃衆庶之所爲耳非所望於士君子也且此數家之事皆先帝所親論今上所考視爲古文舊書皆有徵驗內外相應豈苟而已哉夫禮失求之於野古文不猶愈於野乎往者博士書有歐陽春秋公羊易則施孟歐陽和伯事伏生春秋公羊氏齊學也施雙孟喜從然孝宣帝猶復廣立穀梁春秋梁丘易大小

田王孫受易

夏侯尚書

春秋穀梁氏魯學也梁丘從京房受易夏侯勝從伏生受尚書傳從兄子建建又事

歐陽高由是尚書有大小夏侯之學

義雖相反猶並置之何則與其過

而廢之也寧過而立之傳曰文武之道未墜於地在

人賢者志其大者不賢者志其小者今此數家之言

所以兼包大小之義豈可偏絕哉若必專已守殘黨

同門妬道真違明詔失聖意以陷於文吏之議甚爲

二三君子不取也

守殘守殘  
缺之經也



檄文

○北山移文

周顒字彥倫初隱北山後出為山陰令秩滿入京復經此山故德璋代此

山移文以絕之

孔稚珪

稚珪字德璋會稽人少涉學有美譽舉秀才解褐為宋安成王車騎法曹

鍾山之英草堂之靈

梁簡文帝草堂傳曰汝南周顒昔經在蜀以蜀草堂寺林壑可

懷乃於鍾嶺雷次宗學館立寺因名草堂亦號山茨

馳煙驛路勒移山庭夫以

耿介拔俗之標蕭灑出塵之想

驛傳也謂山之英靈驅馳煙霧移文於山

庭也度白雪以方絜于青雲而直上吾方知之矣若其

亭亭物表皎皎霞外芥千金而不盼屣萬乘其如脫

亭亭高聳貌表外也物表霞外言志高遠也芥草也千金萬乘俗皆貴之高絜之人視之草芥脫屣而已

不盼不顧也 聞鳳吹於洛浦值薪歌於延瀨固亦有焉

王

喬好吹笙作鳳鳴游伊雒之間蘇門先生游於延瀨見一人採薪謂之日子以終此乎採薪人曰吾聞聖人無懷以道德為心何怪乎而為哀也遂為歌二章而去 豈期終始參差蒼黃翻

覆淚翟子之悲慟朱公之哭

參差不一也翻覆不定也翟悲墨翟見練絲而

泣也朱哭楊朱見岐路而哭也言周子無一定之志也

乍迴跡以心染或先貞

而後黷何其謬哉

言周顒黷迴跡向山中而心猶染於俗也黷垢也

嗚呼尚

生不存仲氏既往山阿寂寥千載誰賞

尚子平有道術為縣功曹

休歸自入山擔薪賣以供飲食仲長統性儼默語無常每州郡命召輒稱疾不就 世有周子

儁俗之士既文既博亦玄亦史然而學遁東魯習隱



南郭

僞俗俗中之僞士也東魯謂顏闔也南郭子綦也言顓無本性但習學此二人之隱遁也竊

吹草堂濫巾北岳

竊盜也濫借也北岳即北山也言顓盜居草堂僭服幅巾誘我

松桂欺我雲壑雖假容於江皋乃纓情於好爵

江皋隱遯

處好爵指人爵也

其始至也將欲排巢父拉許由傲百氏蔑

王侯風情張

去聲

日霜氣橫秋或歎幽人長往或怨王

孫不游

傲蔑皆輕也

談空空於釋部覈

胡革

玄玄於道流

顓汎

涉百家長於佛理著三宗論兼善老易空空以空明空也釋部謂佛經也覈者也玄玄謂玄之又玄也道

流謂老子也

務光何足比涓子不能儔

列仙傳務光者夏時人涓子者齊人

也好餌術隱於宕山以上言顓初志如此

及其鳴騶入谷鶴書赴隴

言徵車辟

書也

形馳鬼散志變神動爾乃眉軒席次袂聳筵上焚

芟製而裂荷衣抗塵容而走俗狀

軒舉也舉眉謂喜也芟製荷衣隱者

之服言皆焚裂之

風雲淒其帶憤石泉咽而下愴望林巒而

有失顧草木而如喪至其組金章綰墨綬

淒愴憤咽皆怨怒貌

言此等雖無情見山人去亦如有喪失而怨怒也金章銅印也金章墨綬縣令之章飾也

跨屬城

之雄冠百里之首張英風於海甸馳妙譽於浙右

所理

邑近海而在浙江之右也

道帙長檣法筵久埋敲扑

普本

誼囂犯其

慮牒訴恠

孔總

裝其懷

帙書衣也檣棄也牒文牒也訴告也恠恠繁偏貌言

道書講席永棄埋而聽訟也

琴歌既斷酒賦無續常綢繆於結課



每紛綸於折獄

董仲舒集七絃琴歌鄒陽作酒賦皆逸人之務言今斷絕也綢繆親近也

紛綸衆多貌結課考第也折獄謂理訟獄也

籠張趙於往圖架卓魯於前

錄

張敞趙廣漢俱爲京兆尹有名望魯恭卓茂咸善爲令言將崇樹風猷以籠架之

希蹤三

輔豪馳聲九州牧

渭城以西爲右扶風長安以東爲京兆長陵以北爲左馮翊此謂三

輔也牧長也言希跡及之馳聲過之

使我高霞孤映明月獨舉

我謂北山自稱

也

青松落蔭白雲誰侶澗戶摧絕無與歸石逕荒涼

徒延佇

摧絕破壞也

至於還颺入幕寫霧出楹蕙帳空兮

夜鶴怨山人去兮曉猿驚昔聞投簪逸海岸今見解

蘭縛塵纓

因山言之故託猿鶴以寄驚怨也幽人佩蘭故云解蘭縛繫也入仕已入塵網而有

冠纓故云塵纓

於是南岳獻嘲北隴騰笑列壑爭譏攢峰竦

誚慨游子之我欺悲無人以赴弔

慨歎也游子謂顓也欺誑也弔問也

言山爲顓所誑而無人相問也

故其林慙無盡澗愧不歇秋桂遣風

春蘿罷月騁西山之逸議馳東皋之素謁

託林澗以中其愧風

月所以滋松柏之美言今遺罷之馳騁宣布也逸議謂隱逸之議臯澤也素貧素之交也謁告也謂布告

於人使知也

今又促裝下邑浪拽

制

上京雖情投於魏闕

或假步於山局

促迫也下邑謂山陰也浪鼓也拽棹也言山陰秩滿因向京而過山也上

京建業也魏闕朝廷也局山門也

豈可使芳杜厚顏薜荔無恥碧嶺

再辱丹崖重滓塵游躅於蕙路汙淶池以洗耳

芳杜薜荔



皆香草言豈可使芳草懷愧恥以相見崖嶺再被滓穢更以俗塵點我蕙草之路汙濁我洗耳之池乎

宜局岫峴掩雲關歛輕霧藏鳴湍截來轅於谷口杜

妄轡於郊端

岫峴山窓也雲關謂以雲爲關鍵藏歛湍霧使無聞見也來轅妄轡謂顯之車

乘也谷口郊端山之外也恐其親近故遠絕之於是叢條瞋膽疊穎怒鳧或

飛柯以折輪乍低枝而掃跡請迴俗士駕爲君謝逋

客

條木枝也穎草穗也謝絕也逋亡也言條穗瞋怒擊折顯之輪掃去其跡也俗士逋客謂顯也

文選集註

卷九

四

連波

雲

口



○喻巴蜀檄

相如為郎數歲會唐蒙使畧通夜郎  
焚中徵發巴蜀吏卒千人郡又多為

發轉漕萬餘人用軍興法誅其渠率巴蜀人  
大驚恐上聞之乃遣相如責唐蒙等因喻告  
巴蜀人以非上之意檄敕  
也喻使皎然知我情也

司馬相如

告巴蜀太守蠻夷自擅不討之日久矣時侵犯邊境

勞士大夫陛下即位存撫天下安集中國然後興師

出兵北征匈奴單于怖駭交臂受事屈膝請和擅專也勞

士大夫征討也陛下謂武帝  
也交臂拱手也屈膝拜也康居西域重譯納貢稽

顙來享康居國名移師東指閩越相誅右弔番禺太子入

朝問罪也番禺南越王遣太子嬰齊入宿衛南夷

之君西燹之長燹蠻夷名蒲北切常效貢職不敢僇怠延頸

舉踵喁喁然皆嚮風慕義欲為臣妾喁喁衆口向之貌道里

遼遠山川阻深不能自致夫不順者已誅而為善者

未賞故遣中郎將往賓之中郎將謂唐蒙也賓服也發巴蜀之士

各五百人以奉幣帛衛使者不然幣帛和戎之貨也衛護也不然謂意

外之靡有兵革之事戰鬪之患今聞其乃發軍興制

變也發軍興制謂起軍法追將帥也驚懼子弟憂患長老郡又擅為轉粟

運輸皆非陛下之意也當行者或亾逃自賊殺亦非



人臣之節也。

自賊殺猶云自盡也

夫邊郡之士聞烽舉燧燔皆

攝弓而馳荷兵而走。

攝謂張弓注矢而持之也兵矛戟之屬

流汗相屬

唯恐居後觸白刃冒流矢議不反顧計不旋踵人懷

怒心如報私讐彼豈樂死惡生非編列之民而與巴

蜀異主哉計深慮遠急國家之難而樂盡人臣之道

也故有剖符之封析珪而爵

析中分也白藏天子青在諸侯言能急國家之

難故得剖符受封也

位爲通侯處列東第

東第田宅也居帝城之東故曰東第終

則遺顯號於後世傳土地於子孫行事甚忠敬居位

甚安逸名聲施於無窮功烈著而不滅是以賢人君



子肝腦塗中原膏液潤野草而不辭也

言國家重功臣厚爵賞故

賢人君子用命至死而不辭也膏脂也

今奉幣役至南夷即自賊殺或

亾逃抵誅

南夷謂夜郎也逃亾抵誅抵其罪而誅戮之也

身死無名謚為至

愚

無名言無善名也謚者行之跡言為賊而死故謚為至愚之人

恥及父母為天下

笑人之度量相越豈不遠哉

言與立功之人相去遠甚

然此非獨

行者之罪也父母之教不先子弟之率不謹寡廉鮮

恥而俗不長厚也其被刑戮不亦宜乎陛下患使者

有司之若彼悼不肖愚民之如此故遣信使

悼傷也信使誠

言之使也

曉喻百姓以發卒之事因數之以不忠死亾之



罪讓三老孝悌以不教誨之過

喻告也言明告百姓發卒奉幣和戎之事

也數讓皆責也景帝時郡置耆老有德者三人以爲三老以教人孝悌

方今田時重煩

百姓已親見近縣

重慎也

恐遠所谿谷山澤之民不徧

聞檄到亟下縣道

亟急也縣有蠻夷曰道

使咸喻陛下之意無

忽





○為袁紹檄州郡

紹進軍攻許時劉備已奔紹何得復檄之因發檄假備名誤作

檄豫

改正

陳琳

琳避難冀州袁本初使典文章作此檄以告各路言曹操失德不堪依附宜歸

本初也後紹敗琳歸曹操操曰昔為本初移書但可罪狀孤而已何乃上及父祖邪琳謝罪曰矢在絃上不得不發操愛其才宥之

左將軍領豫州刺史郡國相守

左將軍豫州刺史備也郡國相守乃紹所

統四州也觀後篇檄吳將校首尚書令或名可例見

蓋聞明主圖危以制變忠

臣慮難以立權是以有非常之人然後有非常之事有非常之事然後立非常之功夫非常者故非常人

所擬也曩者疆秦弱主趙高執柄專制朝權威福由  
已時人迫脅莫敢正言終有望夷之敗祖宗焚滅汙

辱至今永爲世鑒及臻呂后季年產祿專政內兼二

軍外統梁趙擅斷萬機決事省禁下陵上替海內寒

心於是絳侯朱虛興兵奮怒誅夷逆暴尊立太宗故

能王道興隆光明顯融此則大臣立權之明表也司

空曹操祖父中常侍騰與左悺徐璜並作妖孽饕餮

放橫傷化虐民饕餮貪也父嵩乞匄乞養因賊假位與

金輦壁輪貨權門操父嵩本夏侯氏之子騰乞養之

賊賄賂也言嵩以車載賄寶輪勢



問而官至太尉竊盜鼎司傾覆重器鼎三公象也非才而居此位故云竊操贅

闔遺醜本無懿德標狡鋒協好亂樂禍協合也言操性與鋒鏑相

合故特好亂樂禍幕府董統鷹揚掃除凶逆幕府謂紹也董督也續遇

董卓侵官暴國侵官謂冒官也暴國謂遷獻帝於西京也於是提劍揮鼓

發命東夏收羅英雄棄瑕取用紹奔冀州卓因拜紹渤海太守因舉渤海

之衆以攻卓東夏渤海也收羅謂采訪賢才棄瑕棄其所短取其所長也故遂與操同諮

合謀授以裨師謂其鷹犬之才爪牙可任裨師偏師也紹表操

為兖州刺史授以偏師與同議合謀欲匡復漢室也至乃愚佻短略輕進易退

佻輕也略法傷夷折衄衄六女數喪師徒衄縮也師徒衆也幕府



輒復分兵命銳修完補輯表行東郡領兗州刺史

操

敗喪師而紹每以精兵修輯之又表操領東郡

被以虎文獎臧

子

威柄

言操實羊

質而被虎文者乃紹獎成其威福也

冀獲秦師一尅之報而操遂承資

跋扈肆行凶忒

秦將孟明數敗穆公不罪遂得敗晉報秦故云一尅之報言操數敗我不

以為罪者亦冀操孟明之報也跋扈謂掘強也

割剝元元殘賢害善

元元謂百姓也

故九江太守邊讓英才俊偉天下知名直言正色論

不阿諂身首被梟懸之誅妻孥受灰滅之咎

操為兗州邊讓

言頗侵操操殺讓而族其家故云灰滅

是士林憤痛民怨彌重一夫

奮臂舉州同聲

林言

故躬破於徐方地奪於呂布



徃東裔蹈據無所

操為徐州刺史為陶謙所破又與呂布戰於濮陽為布所敗蹈據無

所言無所依也

幕府推疆幹弱枝之義且不登叛人之黨

幹喻

君也枝喻諸侯也叛人謂呂布也

故復援旌擐甲席卷起征金鼓響

振布眾奔沮

擐貫也胡慢切言紹聞操敗引軍擊布破之

拯其死亡之患

復其方伯之位則幕府無德於兗土之民而有造

於操也

操為布所破投紹紹哀之乃給兵五千人還取兗州無德於兗州之人謂已舉操為兗州

而操害賢也造恩也

後會鸞駕反旆羣虜寇攻

會遇也鸞駕天子車也時楊奉

韓暹以天子還洛陽也

時冀州方有北鄙之警匪遑離局

時公孫瓚

出軍屯槃阿遂舉兵攻紹紹時為冀州刺史人眾悉叛瓚大破紹軍鄙邊邑也遑暇也禮記日各司其局

局部分也

故使從事中郎徐勣就發遣操使繕修郊廟翊

衛幼主操便放志專行脅遷當御省禁

翊輔也幼主謂獻帝也脅

劫也當御駕馭也

卑侮王室敗法亂紀坐領三臺專制朝政

尚書為中臺御史為憲臺謁者為外臺

爵賞由心刑戮在口所愛光五

宗所惡滅三族

由心任意也在口言出而莫之違也五宗謂上至高祖下至玄孫也三族

父族母族妻族也

羣談者受顯誅腹議者蒙隱戮

羣談謂議朝政者腹

議謂口不言而心非之者隱戮謂中傷之也

百僚鉗口道路以目尚書記

朝會公卿充員品而已

言公卿不敢論時政但具員品

故太尉楊彪

典歷二司享國極位操因緣眦

柴五懈

被以非罪榜



楚參并五毒備至觸情任忒不顧憲綱

彪為司空司徒故云歷二

司也時袁術作亂操託彪與術婚姻誣以欲圖廢置奏下獄劾以大逆眦睚瞋目貌楚檟也榜笞也參并謂兼也五毒謂五刑也忒惡也言隨其情之所發以肆其毒而不顧法律也

又議郎趙彥

忠諫直言義有可納是以聖朝含聽改容加飾操欲

迷奪時明杜絕言路擅收立殺不俟報聞又梁孝王

先帝母昆

母昆謂同母兄弟也

墳陵尊顯桑梓松柏猶安肅恭

而操帥將吏士親臨發掘破棺裸尸掠取金寶至令

聖朝流涕士民傷懷

言瑩樹猶合恭敬况使吏士發掘乎

操又特置發

丘中郎將摸金校尉所過隳突無骸不露

隳壞也突破也言操

置廢丘摸金之官所過皆破壞塚墓以取金寶而露其骸骨也身處三公之位而行

桀虜之態汗國虐民毒施人鬼加其細政慘苛科防

互設罾繳充蹊坑羿塞路舉手挂網羅動足觸機陷

是以亮豫有無聊之民帝都有吁嗟之怨

罾繳以射鳥者坑亦

羿也以捕獸者喻法令煩酷人易犯也亮豫二州名操所領也

歷觀載籍無道之臣

貪殘酷烈於操為甚幕府方詰外姦未及整訓

詰謂問其

罪也加緒含容冀可彌縫而操豺狼野心潛包禍謀

左傳

彌縫其闕而匡救其災言紹加意容操冀可彌縫其過使自改而終不悛也

乃欲摧撓棟

梁孤弱漢室除滅忠正專為梟雄

棟梁喻大臣也謂楊彪忠正謂趙彥



輩

往者伐鼓北征公孫瓚

伐擊也謂紹征瓚時也

彊寇桀逆拒

圍一年操因其未破陰交書命外助王師內相掩襲

故引兵造河方舟北濟會其行人發露瓚亦梟夷

彊寇

謂瓚也言瓚桀逆拒紹操暗與瓚書行人使人也謂操使自發露也

故使鋒芒挫縮厥

圖不果爾乃大軍過蕩西山屠各左校皆束手奉質

爭為前登犬羊殘醜消淪山谷

大軍紹自謂也蕩洗滌也西山鹿腸山也

紹入朝歌自鹿腸山斬賊于毒等滅之又擊左校郭大賢及西營屠各屠各匈奴種也束手謂縛也質即交質之質前登即先登言降紹為所用也犬羊殘醜謂羗狄雜類也消淪沒也言皆畏威亡沒於山谷之中也

於是操師震懼

章獵

晨夜逋遁屯據敖倉阻河為固

震懼驚懼貌敖地名中有太倉俯臨黃河言操懼紹依此地以為固欲以螳螂之斧禦

隆車之隧

莊子蘧伯玉謂顏闔曰汝不知夫螳螂乎怒其臂以當車轍不知其不勝任也螳螂

前有兩足舉之如執斧之象故云斧隆車雷車也幕雷為豐隆故云隆車隧猶轍也喻操之拒紹也

府奉漢威靈折衝宇宙長戟百萬胡騎千羣奮中黃

育獲之士騁良弓勁弩之勢

戟戈屬胡匈奴也中黃伯夏育鳥獲皆古之力

士言紹士卒之盛如此

并州越太行青州涉濟漯

紹出長子譚為青州甥高

翰為并州太行直河內野王縣涉度也濟漯二水也

大軍汎黃河而角其前荆

州下宛葉而掎其後

左傳狄子駒支曰譬如捕鹿晉人角之諸戎掎之征伐軍有前

後猶如捕獸一人捉角一人戾足掎戾足也劉表為荊州刺史與紹相結故云宛葉二縣名

雷震



虎步並集虜庭

虜庭謂操之庭

若舉炎火以炳飛蓬覆滄海

以沃燹炭有何不滅者哉

炳燒也沃灌也燹火飛也舉炎盛之火而燒枯蓬傾

海水以灌飛火言紹之伐操勢亦如此

又操軍吏士其可戰者皆出自

幽冀或故營部曲咸怨曠思歸流涕北顧

幽冀二州名故謂紹

故部曲也

其餘兗豫之民及呂布張揚之遺衆覆亾迫脅

權時苟從各被創夷人爲讐敵若迴旆方徂登高岡

而擊鼓吹揚素揮以啓降路必土崩瓦解不俟血刃

言舉曰幡以開降路則操之軍士皆不待血刃而崩離也

方今漢室陵遲綱維弛

絕聖朝無一介之輔股肱無折衝之勢方畿之內簡



練之臣皆垂頭搨翼莫所憑恃雖有忠義之佐脅於  
暴虐之臣焉能展其節又操持部曲精兵七百圍守  
宮闕外託宿衛內實拘執懼其篡逆之萌因斯而作  
宮闕天子所居也拘止執持也逆而奪取曰篡萌始也此乃忠臣肝腦塗地之

秋烈士立功之會可不勗哉操又矯命稱制遣使發

兵恐邊遠州郡過聽而給與疆寇弱主違衆旅叛

言州

郡若誤聽給之以兵是疆寇賊而弱天子也舉以喪

名爲天下笑則明哲不取也卽日幽并青冀四州並

進

舉謂舉兵幽州  
紹中子熙所領

書到荊州便勒見兵與建忠將軍



協同聲勢

張繡以軍功遷建忠將軍屯宛與劉表合

州郡各整戎馬羅落

境界

羅落布列也

舉師揚威並匡社稷則非常之功於是

乎著其得操首者封五千戶侯賞錢五十萬部曲偏

裨將校諸吏降者勿有所問廣宣恩信班揚符賞布

告天下咸使知聖朝有拘偏之難如律令

部曲調隊帥也偏裨

小將也諸吏謂官屬也勿有所問不究其前罪也如律令謂當遵行也

（The main body of the page contains several vertical columns of text, which are extremely faint and illegible due to fading or bleed-through from the reverse side. The columns are separated by thin vertical lines.)



○檄吳將校部曲文

曹操檄江東諸軍將校部曲令背孫權而歸漢

陳琳

年月日子尚書令或

子發檄時也荀或為尚書令

告江東諸將校

部曲及孫權宗親中外蓋聞禍福無門惟人所召夫

見機而作不處凶危上聖之明也臨事制變困而能

通智者之慮也漸漬荒沈往而不反下愚之蔽也是

以大雅君子於安思危以遠咎悔小人臨禍懷佚以

待死亡二者之量不亦殊乎孫權小子未辨菽麥

未辨

菽麥言其無識之甚也

要領不足以膏齊斧名字不足以誇簡

墨

膏潤也斧所以整齊軍旅故曰齊斧簡墨謂刑書也

譬猶鬴

角

卯始生翰毛

而便陸梁放肆顧行吠主

爾雅待哺曰鬴鬴卯鳥子也陸梁跳躍貌

謂爲

舟楫足以距皇威江湖可以逃靈誅不知天網設張

以在綱目爨鑊之魚期於消爛也若使水而可恃則

洞庭無三苗之墟子陽無荆門之敗

禹時有苗弗率帝乃誕敷文德

七旬有苗格公孫述字子陽自立爲蜀王遣任滿據荆門帝令征南大將軍岑彭攻之滿大敗朝鮮

之壘不刊南越之旌不拔

朝鮮遼東國名壘軍壁也刊除也史記朝鮮國叛使

荀蕤擊平之呂嘉據南越而叛帝使楊僕征之不肯刊不叛猶云至今存也以上言長江之不足恃也昔

夫差承闔閭之遠跡用申胥之訓兵棲越會稽可謂



越矣

吳王夫差承父闔閭遠跡用子胥訓兵之法大破越棲越王句踐於會稽之山申胥本伍子胥

也奔吳後封於申地故曰申胥

及其抗衡上國與晉爭長郟城屠於

句踐武卒散於黃池終於覆滅身罄越軍

稱竿曰衡抗衡謂對

舉以爭輕重也吳王夫差北會諸侯於黃池欲霸中

國與晉定公爭長越王聞之襲吳吳王去晉而歸與

越戰不勝城門不守

及吳王濞驕恣屈彊猖獗始亂

遂圍吳宮而殺夫差

吳王濞高帝兄仲之子立為吳王始亂謂為亂首也

自以兵彊國富勢陵京城

太尉師師甫下滎陽則七國之軍瓦解冰泮

太尉周亞夫也

滎陽郡名濞與漢所封七國同叛瓦解冰泮言破敗之速也

濞之罵言未絕於口

而丹徒之刃以陷其胸

吳王敗乃與麾下壯士千人夜亡渡淮走丹徒保東越漢

使人以利啗東越東越卽給  
吳王出勞軍使人縱殺吳王

何則天威不可當而悖

逆之罪重也且江湖之衆不足恃也自董卓作亂以

迄於今將三十載其間豪傑縱橫熊據虎踞如二

袁勇如呂布跨州連郡有威有名十有餘輩其餘鋒

捍特起鸛視狼顧爭爲梟雄者不可勝數然皆伏鈇

嬰鉞首腰分離雲散原燎罔有子遺近者關中諸將

復相合聚續爲叛亂阻二華據河渭驅率羗胡齊鋒

東向氣高志遠似若無敵丞相秉鉞鷹揚順風烈火

元戎啓行未鼓而破

二華太華少華二山名河渭二水名馬超阻依此險固驅率羗



胡自謂無敵矣而曹計之如順風縱其盛火大兵未及鼓而賊以破亡

伏尸千萬流血

漂櫓此皆天下所共知也

漂浮也櫓大楫也

是後大軍所以

臨江而不濟者以韓約馬超逋逸逆脫走還凉州復

欲鳴吠

逆散也鳴吠猶叛亂也韓遂字文約言大軍所以不濟江伐吳者為伐韓遂馬超也

逆

賊宋建僭號河首同惡相救並為脣齒

隴西宋建自稱平漢王聚

兵犯命與馬超等相救

又鎮南將軍張魯負固不恭

張魯據漢中以鬼道

教人長雄巴漢漢末力不能征就寵魯為鎮民中郎將負倚也倚巴漢之固不恭帝命也

皆我王

誅所當先加故且觀兵旋旆復整六師長驅西征致

天下誅

致天下誅謂討罪也

偏將涉隴則建約梟夷旌首萬里

偏將謂夏侯淵也於首懸首軍入散關則羣民率服

於旗也萬里自涼州至許也王侯豪帥奔走前驅進臨漢中則陽平不守陽平關名十

萬之師土崩魚爛張魯遁竄走入巴中懷恩悔過委

質還降十萬之師謂張魯之衆也土崩自下魚爛從內遁亦竄也巴中地名魯初欲走入巴中曹

操遣人慰諭魯盡家屬出降巴夷王朴胡賓邑侯杜濩各帥種落

共舉巴郡以奉王職朴音浮落聚落也巴賓皆地名王胡杜等皆巴夷諸姓也鉦

鼓一動二方俱定利盡西海兵不鈍鋒二方謂蜀與漢中也兵不

鈍鋒言不挫也若此之事皆上天威明社稷神武非徒人力

所能立也聖朝寬仁覆載允信允文大啓爵命以示



四方魯及胡濩皆享萬戶之封魯之五子各受千室

之邑胡濩子弟部曲將校為列侯將軍以下千有餘

人百姓安堵四民反業

堵牆也安於牆堵不失家業也反還也

而建約

支屬皆為鯨鯢

左傳楚子曰古者明王伐不敬取其鯨鯢而封之以為大戮支屬謂親黨

也超之妻孥焚首金城

魏志南安趙衢討超梟其妻子漢書有金城郡父母

嬰孩覆尸許市非國家鍾禍於彼降福於此也逆順

之分不得不然

彼謂魯等此謂建等

夫擊鳥先高攫驚之勢也

牧野之威孟津之退也

攫執也言驚鳥擊物必先高飛者取其勢也武王勝紂於

牧野由孟津退師以示弱也此言前不伐吳之意

今者枳棘翦扞戎夏以清



枳棘以喻殘賊也剪扞翦除而防衛之也扞衛也音捍

萬里肅齊六師無事故

大舉天師百萬之眾與匈奴南單于呼完厨及六郡

烏桓丁令屠各湟中羌獋

並戎狄號

靈奮席卷自壽春而

南

九江郡有壽春縣

又使征西將軍夏侯淵等率精甲五萬

及武都氏羌巴漢銳卒南臨汶江搤據庸蜀

武都氏羌郡名

銳利也汶江名搤捉也庸蜀地名言不令為吳之援

江夏襄陽諸軍橫截湘沅

以臨豫章樓船橫海之師直指吳會

江夏襄陽豫章皆郡名湘沅二

江名樓船橫海皆將軍號言以前諸軍期至吳會也

萬里尅期五道並入權之

期命於是至矣丞相銜奉國威為人除害元惡大憝



必當梟夷

期命謂權命盡之期也丞相曹操也

至於枝附葉從皆非詔

書所特禽疾

枝附葉從謂吳諸將校親黨也

故每破滅彊敵未嘗不

務在先降後誅拔將取才各盡其用是以立功之士

莫不翹足引領望風響應昔袁術僭逆王誅將加則

廬江太守劉勲先舉其郡還歸國家

建安四年袁術敗於陳廬江太

守劉勲率眾降封為列侯

呂布作亂師臨下邳張遼侯成率眾出

降

張遼侯成皆呂布將

還討眭固薛洪繆

音流

尚開城就化

眭固屬袁

紹屯射犬操進軍臨河使史渙曹仁渡河擊之固使薛洪繆尚留守自將兵與渙仁遇交戰大破之斬固操遂濟河圍射犬洪尚率眾降封為列侯官渡之役則張郃鳥合高奭舉事



立功

官渡地名役征也操擊袁紹於官渡紹將張郃高覽降此言高奐當有二名

後討袁

尚則都督將軍馬延故豫州刺史陰夔射聲校尉郭

昭臨陣來降圍守鄴城則將軍蘇游反為內應

蘇游袁譚

將也譚留使守鄴操追譚至洹水而游逆降

審配兄子開門入兵

袁譚敗後審配

兄子榮開鄴東門納操軍以降

既誅袁譚則幽州大將焦觸攻逐袁

熙舉縣來服

袁熙大將焦觸叛熙尚奔三郡烏丸觸等舉其縣來降

凡此之輩

數百人皆忠壯果烈有智有仁悉與丞相參圖畫策

折衝討難芟敵舉旗靜安海內豈輕舉措也哉誠乃

天啓其心計深慮遠審邪正之津明可否之分勇不



虛死節不苟立屈伸變化唯道所存故乃建丘山之  
功享不訾之祿朝爲仇虜夕爲上將所謂臨難知變  
轉禍爲福者也若夫說誘甘言懷寶小惠泥滯苟且  
沒而不覺隨波漂流與燖俱滅者亦甚衆多吉凶得  
失豈不哀哉昔歲軍在漢中東西懸隔合肥遺守不  
滿五千權親以數萬之衆破敗奔走今乃欲當禦雷  
霆難以冀矣操使張遼與樂進等屯合肥操征張魯  
俄而權率十萬衆圍合肥遼被甲持戟  
先登陷陣斬二將權守合肥十餘日城不可入乃引  
退操討張魯於漢中故云懸隔言當時小軍猶且破  
敗今欲禦我大軍  
必難望其存矣夫天道助順人道助信事上之謂

義親親之謂仁盛孝章君也而權誅之孫輔兄也而

權殺之

盛憲字孝章爲吳郡太守權吳人故云君孫輔恐權不能守江東因權出行東治乃遣人

齋書呼操行人以告權乃還僞若不知與張昭共見輔權謂輔曰兄厭樂耶何爲呼他人輔云無是權投書與昭以示輔輔慙無辭乃

悉斬輔親近徙輔置東吳

賊義殘仁莫斯爲甚乃

神靈之逋罪下民所同讐辜讐之人謂之凶賊是故

伊摯去夏不爲傷德飛廉死紂不可謂賢

逋亡也言權是神靈

之逋亡罪人百姓之所怨讐也伊摯伊尹也武王伐紂飛廉與紂同戮此感吳羣臣也

何者去

就之道各有宜也丞相深惟江東舊德名臣多在載

籍近魏叔英秀出高峙著名海內虞文繡砥礪清節



耽學好古周泰明當世儔彥德行修明皆宜膺受多

福保父子孫而周盛門戶無辜被戮遺類流離湮沒

林莽言之可為愴然

丞相謂操也惟思也舊德謂先世賢德也載籍國史也齊人也

父養也周泰明盛孝章兩家皆為權所誅戮遺類謂子孫也流離謂逃散也湮沒林莽謂為庶人也聞

魏周榮虞仲翔各紹堂構能負析薪

魏周榮叔英子也虞仲翔文繡

子也言彼皆能繼祖父堂構世業也子產曰古人有言曰其父析薪其子弗克負荷

及吳諸顧

陸舊族長者世有高位當報漢德顯祖揚名又諸將

校孫權婚親皆我國家良寶利器而並見驅迫

窄雨

絕於天有斧無柯何以自濟

連迫也雨絕謂雨下於地無還雲之期也言並

被驅迫不得還漢所以負利器而無處施用也

相隨顛沒不亦哀乎蓋鳳鳴

高岡以遠尉羅賢聖之德也鸛鳩之鳥巢於葦苕苕

折子破下愚之惑也

鸛鳩小鳥也為巢葦草之上猛風一至則葦折卵破所託危也

今江東之地無異葦苕諸賢處之信亦危矣聖朝開

弘曠蕩重惜民命誅在一入與眾無忌故設非常之

賞以待非常之功乃霸夫烈士奮命之良時也可不

勉乎若能翻然大舉建立元勲以膺顯祿福之上也

如其未能竿量大小以存易亡亦其次也

竿計也言若未能殺

權則當計度大小歸漢背吳亦是其次

夫係蹄在足則猛虎絕其蹯

音煩



戰國策魏魁謂建信君曰人有置係蹄者而得虎虎怒跌蹠而去虎之情非不愛其蹠也然而不以環寸之蹠害七尺之軀有權也今國家者非直七尺之軀也而君之身於王非環寸之蹠也願公早圖之

蛇在手則壯士斷其節

漢書項梁使使趨齊兵擊章邯田榮曰楚殺田假趙殺田

角田間乃出兵楚不殺假趙亦不殺角田間齊王曰蝮蝮手則斬于蝮足則斬足何者為害於身也田假田角田間於楚趙非手足之戚何故不殺蝮毒蛇也螫人之手則必斬斷其節恐毒及身而死也何則

以其所全者重其所棄者輕若乃樂禍懷寧迷而忘

復闇大雅之所保背先賢之去就

大雅既明且哲以保其身先賢謂伊

尹也去就謂去夏就殷也

忽朝陽之安甘折苕之末日忘一日以

至覆沒大兵一放玉石俱碎

詩曰梧桐生矣于彼高岡言鳳所棲也日至一

日謂苟存朝夕也放至也玉石俱碎謂舉兵則善惡咸見屠戮也

雖欲救之亦無及

已故令往購募爵賞科條如左檄到詳思至言如詔

律令

購募謂以財求物也科條謂賞罰等級也如左謂列在檄下詳審也



○檄蜀文

魏景元四年令鍾會伐蜀會至漢中蜀大將姜維等守劔閣距會會移檄檄蜀

將吏

鍾會

會字士季潁川長社人繇之少子也敏慧夙成爲秘書郎遷鎮西將軍

往者漢祚衰微率土分崩生民之命幾於泯滅我太

祖武皇帝神武聖哲撥亂反正拯其將墜造我區夏

高祖文皇帝應天順民受命踐祚烈祖明皇帝奕世

重光恢拓洪業然江山之外異政殊俗率土齊民未

蒙王化此三祖所以顧懷遺志也言春蜀人遺令討之今主上

聖德欽明紹隆前緒主上指陳留王奐也宰輔忠肅明允劬勞

王室

宰輔謂司馬昭也允信也言有明信之德也勛勤也

布政垂惠而萬邦協

和施德百蠻而肅慎致貢悼彼巴蜀獨為匪民愍此

百姓勞役未已

悼愍傷痛也言巴蜀百姓獨不為魏人而勞役未止也

是以命

授六師龔行天罰征西雍州鎮西諸軍五道並進

六師

謂天子六軍也授授帥於將也征西將軍鄧艾出北松沓中二道雍州刺史諸葛緒出高樓武街二道鎮西將軍鍾會出洛谷合成五道也古之行軍以仁為本以義治之王

者之師有征無戰故虞舜舞干戚而服有苗

有苗謂三苗舜

伐之不剋乃修文德舞干戚七旬而有苗服干戚也戚鉞也

周武有散財發廩表

問之義

尚書式商容之問散鹿臺之財發鉅橋之粟

今鎮西奉辭銜命攝



統戎車

鎮西會也此檄當時蓋記人言故自稱也命天子之令也

庶弘文告之訓

以濟元元之命非欲窮武極戰以快一朝之志

國語祭公

謀父曰有征罰之備有文告之辭元元百姓也

故略陳安危之要其敬聽話

言益州先主以命世英才興兵新野困躋冀徐之郊

制命紹布之手太祖拯而濟之興隆大好中更背違

棄同即異

靈帝末黃巾起先主率其屬討賊有功後領徐州呂布襲徐州先主乃歸曹操操以

為豫州牧後背曹操歸袁紹左傳棄同即異是謂離德

諸葛孔明仍規秦川姜

伯約屢出隴右

姜維字伯約

勞動我邊境侵擾我氏羗方

國家多故未遑修九伐之征也

周禮有九伐之法憑弱犯寡則青之賊賢

害民則伐之暴內陵外則擅之野荒人散則削之負  
固不服則侵之賊殺其親則征之放弑其君則殘之  
犯令陵正則杜之內  
外亂鳥獸行則滅之  
今邊境又清方內無事蓄力待

時併兵一向而巴蜀一州之衆分張守備難以禦天

下之師段谷侯和沮傷之氣難以敵堂堂之陣

段谷侯和

皆地名鄧艾破姜維處也黃帝出軍諺曰始立牙之  
日吉氣來應旗幡指敵或從風而來金鐸之聲揚以  
清鼓鞀之音婉而  
鴻是謂堂堂之陣比年已來曾無寧歲征夫勤瘁難

以當子來之民此皆諸賢所共親見

比近也無寧歲謂不安也諸賢

謂蜀將吏也

蜀侯見禽於秦公孫述授首於漢

秦惠王伐蜀而殺蜀

侯公孫述據蜀光武使吳  
漢滅之授首謂就戮也

九州之險是非一姓此皆



諸公所備聞也

左傳司馬侯曰九州之險也是非一姓言險塞之所非一姓常居有德則

處

明者見危於無形智者規福於未萌是以微子去

商長爲周賓陳平背項立功於漢豈宴安鳩毒懷祿

而不變哉今國朝隆天覆之恩宰輔弘寬恕之德先

惠後誅好生惡殺往者吳將孫壹舉衆內附位爲上

司寵秩殊異

江夏太守孫壹以衆歸魏魏以壹爲車騎將軍封吳侯

文欽唐咨

爲國大害叛主讐賊還爲戎首咨困偏禽獲欽二子

還降皆將軍封侯咨豫聞國事

文欽與母丘儉舉兵反司馬昭臨淮討之

諸葛誕殺欽欽子騫及虎踰城出自歸昭表騫虎爲將軍各賜爵關內侯進兵登城唐咨面縛降拜咨安

遠將軍

壹等窮蹶歸命猶加上寵况巴蜀賢智見幾而  
作者哉誠能深鑒成敗邈然高蹈投跡微子之蹤措  
身陳平之軌則福同古人慶流來裔百姓士民安堵  
樂業農不易畝市不廻肆去累卵之危就永安之計  
豈不美與若偷安旦夕迷而不反大兵一放玉石俱  
碎雖欲悔之亦無及也各具宣布咸使知聞



○難蜀父老

舊註武帝時相如使蜀長老多言通西南夷之不為國用相如業已建之

不敢諫乃著書假蜀父老為辭而以已意難之以諷天子今玩其文義莫非逢君不知何

以言諷也

司馬相如

漢興七十有八載德茂存乎六世六世謂自高祖至武帝也威武

紛紜湛沉恩汪濊鳥羣生霑濡洋溢乎方外湛厚也汪廣也

濊深也濡潤也方外言遠也於是乃命使西征隨流而攘風之所

被罔不披靡因朝冉從駝蒙定笮存邛冉駝笮邛皆蜀郡西部也

披披靡順從貌存謂打慰也略斯榆舉苞蒲斯音曳斯榆國名苞蒲夷種也結軌

還轅東鄉將報軌車也還轅將報謂將遠歸以報命也至于蜀都耆老

大夫縉紳先生之徒二十有七人儼然造焉辭畢進

曰蓋聞天子之牧夷狄也其義羈縻勿絕而已謂似

以繩繫今罷皮三郡之士通夜郎之塗三年於茲而

功不竟士卒勞倦萬民不贍今又接之以西夷百姓

力屈恐不能卒業此亦使者之累也竊為左右患之

三郡三蜀也夜郎縣名言通夜郎未竟今又續西夷之事恐百姓力屈未能終其事業亦使者罪累也

且夫邛笮西夷之與中國並也歷年茲多不可記也

仁者不以德來强者不以力并意者其殆不可乎不可



記言其來久也仁強指漢以前帝王也

今割齊民以附夷狄敝所恃以

事無用鄙人固陋不識所謂

鄙人耆老等自謂也

使者曰烏謂

此乎必若所云則是蜀不變服而巴不化俗也

烏謂此言

所說非也必如父老之言則今之巴蜀何以變其椎髻左衽之俗而從中國之服也

僕常惡聞

若說

若說猶云此說也

然斯事體大固非觀者之所觀也余

之行急其詳不可得聞已請為大夫麓陳其略蓋世

必有非常之人然後有非常之事有非常之事然後

有非常之功夫非常者固常人之所異也故曰非常

之原黎民懼焉

原本也

及臻厥成天下晏如也

即難與慮始可

與樂成意

昔者洪水沸出汜濫衍溢民人升降移徙崎嶇

而不安夏后氏感之乃堙洪塞源決江疏河灑沈澹

災

移徙崎嶇為避水不得安居也夏后謂禹也感憂也堙亦塞也決江疏河謂理水也灑分也史紙切

沈深也澹安也言分散其深水以安定其災也

東歸之於海而天下永寧當

斯之勤豈唯民哉心煩於慮而身親其勞躬腠

奏胝

竹尸

無胝

薄葛

膚不生毛

豈唯民哉言非獨百姓禹亦勞也胝胝也胝股肉也言艱苦甚

也

故休烈顯乎無窮聲稱浹乎于茲

于茲猶云至今也

且夫

賢君之踐位也豈特委瑣齷齪拘文牽俗修誦習傳

當世取說云爾哉必將崇論閎議創業垂統為萬世



規故馳驚乎兼容并包而勤思乎參天貳地且詩不  
云乎普天之下莫非王土率土之濱莫非王臣是以  
六合之內八方之外浸淫衍溢懷生之物有不浸潤  
於澤者賢君恥之今封疆之內冠帶之倫咸獲嘉祉  
靡有闕遺矣而夷狄殊俗之國遼絕異黨之域舟車  
不通人跡罕至政教未加流風猶微內之則時犯義  
侵禮於邊境外之則邪行橫作放殺其上君臣易位  
尊卑失序父老不辜幼孤爲奴虜係縲號泣內嚮而  
怨曰蓋聞中國有至仁焉德洋恩普物靡不得其所

今獨曷為遺已舉踵思慕若枯旱之望雨戾夫為之

垂涕况乎上聖又焉能已

戾狠惡也言狠惡之夫見者猶且垂涕况天子能止

而不伐乎

故北出師以討彊胡南馳使以誚勁越四面風

德二方之君鱗集仰流願得受號者以億計

胡匈奴也誚責

也四面四夷也風德謂使以德諷諭胡越而其君如魚鱗之相次仰承流風也號教令也億計言多也

故乃關沫

昧

若微

叫

牂

臧

柯

以沫若二水為關牂牂柯江以為界也微寨也

以木為柵於水也沫水出蜀西徼外入於江若水出廣平徼外入江鏤靈山梁孫原

鏤靈

山言刻石以紀功也孫水名梁謂作橋於上也

創道德之塗垂仁義之統將

博恩廣施遠撫長駕使疏逖不閉名爽闇昧得輝乎



光明以偃甲兵於此而息計伐於彼遐邇一體中外

禔福不亦康乎

言疏遠之國不被壅閉得觀光明召且也梅憤切爽明也偃息也禔安樂

也音支

夫拯民於沈溺奉至尊之休德反衰世之陵夷

繼周氏之絕業天子之亟務也

周氏絕業乃海不揚波重譯來朝之類舊

註作修典禮義未協

百姓雖勞又惡可以已乎哉且夫王者固

未有不始於憂勤而終於逸樂者也然則受命之符

合在於此方將增太山之封加梁父之事鳴和鑾揚

樂頌上減五下登三

王者太平則封太山禪梁甫鑾鈴也頌雅頌也言漢德之盛上

可減五帝之美下可升三上之上登升也

觀者未覩音聽者未聞音猶鵠

鵬已翔乎寥廓之宇而羅者猶視藪澤悲夫

鵠鵬大鳥喻通

西南夷事也羅者喻大夫先生輩也

於是諸大夫茫然喪其所懷來

懷來

謂其所懷之以來欲陳之意也

失厥所以進喟然並稱曰允哉漢德

此鄙人之所願聞也百姓雖勞請以身先之敝罔靡

徙遷延而辭退

敝罔驚視貌靡徙移足貌遷延却退貌



對問  
○對楚王問

宋玉

楚襄王問於宋玉曰先生其有遺行與何士民衆庶  
不譽之甚也

遺行謂行有遺失也

宋玉對曰唯然有之願大王

寬其罪使得畢其辭客有歌於郢中者其始曰下里  
巴人國中屬而和者數千人其爲陽阿薤露國中屬  
而和者數百人其爲陽春白雪國中屬而和者數十  
人引商刻羽雜以流徵國中屬而和者不過數人而  
已是其曲彌高其和彌寡故鳥有鳳而魚有鯢鳳皇

上擊九千里絕雲霓負蒼天翱翔乎杳冥之上夫藩

籬之鷦豈能與之料天地之高哉鷦小鳥也鯢魚朝發岷

嶮之墟暴鬣暴露也鬣魚之鬣於碣石鬣也碣石在海畔暮宿於孟

諸夫尺澤之鯢豈能與之量江海之大哉孟諸大澤名鯢小魚

也故非獨鳥有鳳而魚有鯢也士亦有之夫聖人瑰

古意琦巨行超然獨處世俗之民又安知臣之所為

哉



設論

○答客難

東方朔

朔字曼倩平原厭次人也武帝時舉賢良方正

客難東方朔曰蘇秦張儀壹當萬乘之主而身都卿

相之位澤及後世

都居也

今子大夫

子大夫稱謂之辭非謂朔爲大夫也

修先王之術慕聖人之義諷誦詩書百家之言不可

勝記著於竹帛脣腐齒落服膺而不可釋好學樂道

之效明白甚矣自以爲智能海內無雙則可謂博聞

辨智矣然悉力盡忠以事聖帝曠日持久積數十年

官不過侍郎位不過執戟意者尚有遺行邪同胞之

徒無所容居其故何也

同胞之徒  
謂兄弟也

東方先生喟然長

息仰而應之曰是故非子之所能備

言其不能  
備知也

彼一

時也此一時也豈可同哉夫蘇秦張儀之時周室大

壞諸侯不朝力政爭權相擒以兵并爲十二國未有

雌雄得士者彊失士者亡故說得行焉身處尊位珍

寶充内外有倉廩澤及後世子孫長享今則不然聖

帝德流天下震懼諸侯賓服威振四夷連四海之外

以爲帶安於覆盂

帶連如衣帶也盂  
器也覆盂言安也

天下平均合爲

一家動發舉事猶運之掌賢不肖何以異哉遵天之



道順地之理物無不得其所故綏之則安動之則苦  
尊之則爲將卑之則爲虜抗之則在青雲之上抑之  
則在深淵之下用之則爲虎不用則爲鼠雖欲盡節  
效情安知前後夫天地之大士民之衆竭精馳說並  
進輻湊者不可勝數悉力慕之困於衣食或失門戶  
使蘇秦張儀與僕並生於今之世曾不得掌故安敢  
望侍郎乎

掌故百石吏  
主故事者

傳曰天下無害菑雖有聖人

無所施才上下和同雖有賢者無所立功故曰時異

事異雖然安可以不務修身乎哉

雖然一轉不似答  
辭又若有自規意



詩曰鼓鐘于宮聲聞于外鶴鳴九臯聲聞于天

毛詩小雅

文有諸中必見於外也

苟能修身何患不榮太公體行仁義七

十有二乃設用於文武得信厥說

音稅

封於齊七百歲

而不絕此士之所以日夜孳孳修學敏行而不敢怠

也譬若鵲鴒飛且鳴矣傳曰天不爲人之惡寒而輟

其冬地不爲人之惡險而輟其廣君子不爲小人之

匈匈而易其行天有常度地有常形君子有常行君

子道其常小人計其功詩曰禮義之不愆何恤人之

言

皆孫卿子文

水至清則無魚人至察則無徒冕而前旒



所以蔽明黈纁充耳所以塞聰黈纁以黃綿明有所

不見聰有所不聞舉大德赦小過無求備於一人之

義也枉而直之使自得之優而柔之使自求之揆而

度之使自索之皆大戴禮孔子之辭也蓋聖人之教化如此欲

其自得之自得之則敏且廣矣今世之處士時雖不

用塊然無徒廓然獨居塊獨貌廓空也上觀許由下察接輿

計同范蠡忠合子胥天下和平與義相扶寡偶少徒

固其宜也子何疑於予哉以上正是自明所以若夫

燕之用樂毅秦之任李斯酈食其之下齊說行如流



曲從如環所欲必得功若丘山海內定國家安是遇

其時者也子又何怪之邪語曰以管窺天以蠡測海

以筵撞鐘豈能通其條貫考其文理發其音聲哉

管竹

管也蠡蚌蛤也測量也筵小木枝也撞擊也

由是觀之譬猶鼪

精鼪

劬之

襲狗孤豚之咋

士白

虎至則靡耳何功之有

鼪鼪一名奚鼠咋齧

也靡爛也靡與糜古字通

今以下愚而非處士雖欲勿困固不得

已此適足以明其不知權變而終惑於大道也

梁昭明文選卷之九







